

JOHANE

Johane mamac-ticne zâgene Zebedaio â nenggoc-ticne Salome. Hahac-ticne zâgene Jakobo. Jâne Galilaia mâreŋko jumbiŋ. Hahac qazi mamac-jekic bafickepire Genesarete riqicko qowi rojumbien. Johane â Jakobo jahe Johane Miti Opâ fufuŋkezi fua tâcneme erao ra jupic. Eme eki juku motecfâcne Jesu jowatume jahe manarâ izia Jesurao rapic (Johane 1:37-40). I Judaia mâreŋko ekicne. Eme irecnec raku Galilaia mâreŋko fisirâ qowi gie mocwâc bahapire Jesu ijaha fisirâ hefârec-jofame jahe mamac-jekic â woke qowi beherâ Jesu bâjâpehuc jupic (Mareko 3:17). Johane â hahac-ticne jahe ŋic zocne fârone, irec dameŋ mocko Jesuzi Samaria ŋic jaŋerao sambâŋkonec zoc mume wahaocte âzâcnepic (Luka 9:54). Ōoan mocko nenggoc-jekiczi Jesurao rarâ ziŋuc muhuc numucnewec: Juku Wofuŋ Sâko fua tâcnezokic dameŋ ira manatec ŋokâ jahec-nane gâjongao ŋifec â ŋifec nezepirec (Mataio 20:20). Jesuzi motecfâcne Ŋafe Tiwâ gumec-jopawec ŋafe ira Johanezi Jesure maŋfuŋko ŋehuc qizec-ticne Jesure amecko fohorewec (Johane 13:25). Râsi jâne Jesu ropie motec gâcne hâbi gogoroŋ ejare-fâreme wisehapie Johane e mocjahazi Jesu bâjâperâ Hanasi ere sacmaŋko raziwec, erâ wâc Goligata ferâ Jesure maripoŋ maŋfugnao domawec. Domahame Jesuzi nenggoc-ticne Maria hone soŋaŋ ecneocte âzâcnewec (Johane 19:26). Jesu faharewec biŋene manarâ Johane e Petorohec gasackerâ zâŋeruŋko rapic (Johane 20:34). Eme juku Jesuzi motec gâcne Genesarete riqicko fua-jareme Johane eki hâcne biac zâŋitawec (Johane 21:7).

Jesu e sambâŋko fehame Johane â Petoro jahe babafic erâ miti gie bahuc jupic. Ehuc ŋoan mocko ŋicpurig moc taha ufuŋ motâcko ŋewec e bâpiaŋkepic (Aposolo 3). Erâ wâc Samaria mâreŋko mâmâc rarâ miti murâ numupire ŋic ŋokac jaŋerao Mâro wahawec (Aposolo 8). Eme Johane eki hâcne Jerusalem haeo Jesure kikefuŋ jumbiŋ jaŋere jâcne erâ juwec. Juku Jerusalem hae tuhutac fuame Johane e Efeso haeo rarâ juwec. Ehuc Paulo â Petoro jahe hâmopicte eki Asia mâreŋ masunao hae sâc miti mamana jumbiŋ jâne mamac ejarewec.

Efeso haeo juhame miti ŋic ŋokac jâne Johane numucnekupie Jesure binâŋ qâreŋkewec. Jesure motecfâc gâcne hâmo-fârehapie Johane e buc juhuc miti papia-ticne qâreŋkewec. Qâreŋkehuc Mataio â Mareko â Luka jaŋere dâŋ hâsine i papia-ŋicnao mi râewec. Aricne, i geŋâckehuc dâŋ furune gâcne fowec i qâreŋkewec. Jesuzi mâsi bawec irec binâŋ ŋic gâcnezi qâreŋkembigte i behehuc, mitidâŋ gâcne murawec i mana wosâerâ qâreŋkewec. Â mâsi â eebapa-ticne gâcne ine moc moc sawa mufuahuc ira iticnerâ Jesure mickonec dâŋ hukicne birine birine zuhuckewec. Ŋafeo ronigte dameŋne maickeme Jesuzi motecfâcne mâzoc-jopahuc uŋdâŋ â miriŋdâŋ jazawec i â dâŋ gâcne gâcne i Johanezi qâreŋke-fârewec. Johanezi Jesure Biŋebian qâreŋkeme hatane moc fuawec irec fuŋne e jahac mufuakac, kecziŋuc: "Qâreŋkekicne mac keczi ine ziŋucte qâreŋkekicne: Ŋoŋe wose manac erâ Jesu e Kristo, Anutire Ŋokâ, dâŋ i mana zakienzepieŋ, erâ e jahacne manasiŋkehuc zâŋe biŋe-ticnere erâ juu sanaghec enzepieŋ" (Johane 20:31).

Papia magnaŋ dâŋ nenggocne birine birine râe rakicne ine kecziŋuc:

Ŋaŋ 1:1-18. Jesu e Anutire Mîcdâŋzi mâreŋko sahac biuhec fuawec. Dâŋ izi papia-ticnere mumuzâwe dâŋ ekac.

Ŋaŋ 1:19-51. Johane Miti Opâ fufuŋkezi gie-ticne fuŋkehuc Jesure fuŋne mutaniŋkewec. Â Jesu e fuŋkerâ motecfâcne rocjopahuc fuŋne-ticne jazawec.

Garj 2-12. Jesu e gie-ticne bahuc â miti muhuc Wofuŋ eri tatamac-ticnere fuŋne bataniŋkewec.

Garj 13-17. Jesu e motecfâcne mâzoc-jopahuc sambân tatamac-ticnere fuŋne mufua-jarehuc sambân hata jaza jowatuc ewec.

Garj 18-19. Jesu zâic mamana â hâmoc-ticnere binaŋ.

Garj 20-21. Jesu e hâmockonec faharerâ motecfâcne fua-jarewec irec binaŋ gâcne.

Jesu e Anuture Micdân

1 Micdân e fuŋnao fuŋkerâ juwarehuc juwec. Erâ Micdân e juju-ticne Anuturao foha juhuc juwec. Erâ Micdân e Anutu jaha wâc juwec.
²E hâcne fuŋnao Anutuhec jurâ juwarewec. ³Erâ Micdân e Anuture me wâc ehuc wiac sasawa bâfua-fârewec, â wiac fuawec i e tâmiric moc mi fuawec. ⁴Erâ juju irec rune erâ juwec. Â juju-ticnezi ɲic tamae-jarewec.
⁵Eme tatamaczi dapâcko tamaeme dapâczi guringkeocte elipiewec.

ɲic jaŋe Jesu âgo sâcne mi ecnembiŋ

⁶ɲic moc fuarâ juwec zâŋene Johane. ⁷Eki tatamacte biŋedân mufuame ɲic mâmâc sasawa jaŋe tatamac rune manasiŋkeniŋte Anutuzi sorewec.
⁸Johane e jahacne tatamac rune mi juwec, e mâc tatamac runere biŋe muwec. ⁹Tatamac rune ɲic mâreŋ sâc batamaec-jopaekac, eki hâcne damen ıra mâreŋko fuarâ juwec. ¹⁰E mâreŋko fufua i fuawec, erâ i sawa mâcne, mâreŋ i ekizla wâc bâfuawec, eme waharâ fuame mâreŋkonec ɲic jaŋe e sifu mi zâŋitambiŋ. ¹¹E jahacne me hofao fisihome gurufâc-ticne jaŋe âgo mi ecnembiŋ. ¹²Â âgo ecnembiŋ jaŋe ine Anuture naru motecfâc eniŋte hata bâfua-jarewec, i zâŋe-ticne mana maŋ eengopien jaŋe hâcne iɲuc ejareekac. ¹³Jaŋe soc biucte hatao mi fuambiŋ, erâ ɲic mumupante wâc mâcne, jaŋe Anuturaonec fuambiŋ.

¹⁴Eme Micdân e sahac biuchec fuarâ ɲondeŋ-nâŋecko ɲene juju ewec. Eme nâŋe Wofuŋ qâreŋ-ticne honepene Mamacte ɲokâ jâmbân mocjaha ere Wofuŋ qâreŋ ewec hâcne. E aki anonoc kadahe â dâŋ fâri qizecne bawahawec. ¹⁵Fuŋne-ticne ine Johanezi mutaniŋkerâ hahagne bahuc kecziŋuc muwec: "No ere hâcne ɲazapo, zâhec warekac e bâbâni juwec, eki no mi fuahape juwarehuc juwec hâcne." ¹⁶Nâŋe sasawa ere rowaŋkonec miti kadahe rorâ ro ehuc jumben. ¹⁷Mose e sâcmutâc dâŋ nârewec, â Jesu Kristo eki ine aki anonoc â dâŋ fâri qizecne tahac-nâpowec. ¹⁸Anutu e ɲic moczi moc mi honewec, ɲokâ jâmbân mocjaha, Mamacte bufuŋko juekaczi ine biŋe-ticne bawaharâ mufua-nârewec.

1:1 Joh I, 1, 2; Joh 17:5; Bar 19:13 1:2 Muq 8:22 1:3 Kol 1:16, 17; Heb 1:2 1:4 Joh 5:26
 1:5 Joh 3:19 1:6 Luk 1:13-17, 57-80; Mat 3:1; Mar 1:4 1:7 Luk 3:3 1:8 Joh 1:20
 1:10 Joh 1:3-5 1:12 Gal 3:26 1:13 Joh 3:5, 6 1:14 Jes 7:14; Pet II, 1:16, 17; Jes 60:1;
 Luk 9:32 1:15 Joh 1:27, 30; Mat 3:11 1:16 Joh 3:34; Kol 1:19 1:17 Rom 6:14; 10:4; Wai 34:6;
 Mi Mâ 25:10; 40:10; 85:10 1:18 Joh 6:46; Joh I, 4:12; Mat 11:27; Luk 10:22; Tim I, 6:16

Johane Miti Opâ fufunke ere dân

(Mat 3: 1-12; Mar 1: 7-8; Luk 3: 15-17)

¹⁹Jerusalem haeonec Judanjic jaje taha bapa â taha ufunte kinangic sorec-jopapie Johanerao rarâ, go mo njic mo, muhuc wiocnemie funne-ticne jazawec. ²⁰E funne-ticne mi hesonkehuc mutaninkerâ kecziñuc jazawec: "No Kristo aricne." ²¹Mume jaje harierâ wiocnembij, "Eme go mo, go Elia me?" Eme muwec, "No e aricne." Eme mumbij, "Go porofete-nâñec me?" Mupie muwec, "Aricne." ²²Eme jaje mumbij: "Wiac go mo? Sorec-nâpopie warebener, ra wenijuc jazanagmu? Go gahacnere wenijuc muekic?" ²³Eme jazarâ muwec: "Porofete Jesajazi mu qâreñ ewec, i norao sanankekac. No biñe mumu njic, mâreñ tuhuc juhuc kecziñuc muekopac: 'Wofunte hata bâzâwenij.'" ²⁴Njic Johanerao fisimbij i jaje farisaio jajere guruonec. ²⁵Irec mocwâc indijkerâ mumbij: "Go Kristo aricne, â Elia aricne, â porofete aricne, eme wemocte njic Miti Opâ rua-jareekic?" ²⁶Mupie Johanezi zijuc jazawec: "Noni njic opâ sawa rua-jareekopac, â ñondeñ-ñenicko moc fuawec jukac, ñoñe e mi hone taraenggopien, ²⁷eki hâcne râpefun-naneo warehuc jukac, e sâko no igucne maczi mafahe decnepe mi sâckeocmu." ²⁸Wiac i Betania hao Jordan ocnijucnao fuawec. Ira hâcne Johanezi juhuc njic Miti Opâ rua-jarewec.

Johanezi Jesure funne jazawec

²⁹Hae fureme Jesuzi Johanerao rame taicko honerâ njic zijuc jazawec: "Honenij, kecocni Anuture lama, eki mâreñ sâc njic sâqocne-ñenij fainao feme âsickekac. ³⁰Ere hâcne kecziñuc ñazapo: 'Zâhec warekac, e bâbâni juwec, eki no mi fuahape juwarewec.'" ³¹No nahac mârâc e mi hone tarapo. Israe njic ñoñe biñe-ticne ñazape mananigte hâcne fisirâ Miti Opâ funkepo." ³²Johane e iguc murâ muwec: "No Mârozi hapâ hawario sambâñkonec waharâ fai-ticnao herâ ñeme honepo. ³³No nahac mârâc mi hone tarahape Miti Opâre munareweczi zijuc nazawec: 'Mâro waharâ fai-ticnao herâ ñeme honecmu eki njic Tiri Mâro rua-jareocmu.'" ³⁴No i hâcne honepore funne-ticne kecziñuc mupo: 'Eki hâcne Anuture ñokâ.'" "

Njic tucne jaje Jesu bâfuambij

³⁵Hae fureme Johane erâ motecfâcne jajeronec jajahec mâreñ ijaha domambij. ³⁶Domahapie Jesu e ijaha fotâcneme honerâ motec jasarâ muwec: "Honenic, Anuture lama kecocni." ³⁷Mume jahe dân i manarâ Jesure râpefunke rapic. ³⁸Rapire Jesuzi forisierâ honec-jofarâ muwec: "Ñohe wemocte warekopirec?" Eme jahe mupic: "Rabi (nâñâcne dânko: Qaqazu), go fic wena jukomec?" ³⁹Eme zijuc jasawec: "Ware honenic." Mume jahe bâjâperâ fic honerâ zoañ gie bapa ira juweckoa jupic. I zoañ otewezo eha iguc epic. ⁴⁰Johânere dân manarâ Jesu bâjâpepic moc zâñene Anderea, Simon Petoro qaticne. ⁴¹Eme eki biac hahac-ticne

1:19 Luk 3:15, 16 1:20 Apo 13:25 1:21 Mat 17:10; Sâc 18:15; Joh 6:14; 7:49 1:23 Jes 40:3;
Mat 3:3; Mar 1:3; Luk 3:4 1:25 Mat 21:25 1:26 Mat 3:11; Mar 1:7, 8 1:27 Joh 3:26;
Apo 13:25 1:28 Mat 3:6, 13 1:29 Joh. 1:36; Jes 53:7 1:30 Joh 15:27 1:32 Mat 3:16;
Mar 1:10; Luk 3:22 1:33 Luk 3:2; Mat 3:16 1:34 Mat 3:17 1:38 Joh 1:29; Jes 53:7 1:40 Mat 4:18-22
1:41 Sam I, 2:10; Mi Mâ 2:2

Simon bâfuarâ zîguc âzâcnewec: "Nâhe Mesia (Kristo hâcne) bâfuakoperec." ⁴² Iguc murâ Jesurao jowame rapic. Eme Jesuzi honerâ muwec: "Go Simon, Johanere gokâ, gore zâge Kefa mukopac" (nângacne dâŋko: Haroŋa).

⁴³ Hae fureme Jesu e Galilaia mâreŋko raocte zawierâ Filipo bâfuarâ âzâcnewec, "Go bâjâpecnuc." ⁴⁴ Filipo e Besaida haeonec, Anderea â Petoro jahe hae irectear. ⁴⁵ Eme Filipozi Natanae bâfuarâ zîguc âzâcnewec: "Mose e sâcmutâc dâŋgâhâcko findaŋdâŋ-ticne qâreŋkewec, â porofete jaŋe wâc qâreŋkembîŋ, ŋic e hâcne bâfuanggopeneg, Jesu, Josefere gokâ, Nazarete haeonec." ⁴⁶ Eme Natanaezi dâŋ zîguc bâtikiecnewec: "Nazarete haeonec wemo wiac bipinehec fuaocmu?" Mume Filipozi zîguc âzâcnewec: "Murâ ware honec." ⁴⁷ Eme Natanaezi Jesurao ra fisime honerâ muwec, "Honenîŋ, ŋic kecizi Israe ŋic fârine, maŋticnao sioc moc mi fokac." ⁴⁸ Iguc mume Natanaezi wlocnerâ muwec: "Go wena jupe honecnumeg?" Eme Jesuzi muwec, "Filipozi mi hefârecguhame nemuja fuŋko ŋetec honecgupac." ⁴⁹ Mume Natanaezi zîguc âzâcnewec: "Qaqazu, go jâmbomac Anuture ŋokâ, Israe ŋic nâgere ŋicwofuŋ." ⁵⁰ Eme Jesuzi muwec: "Nemuja fuŋko ŋemec i mufua-garepe manasiŋnukomec, manakic, hone manac ekomec zi susucne sawa, fâri ombâŋne miŋecnea hone manac erahuc jucmu." ⁵¹ Iguc murâ muwec, "No jâmbomac jâmbâŋ ŋazape: ŋoŋe sambâŋ aŋkeme Anuture aŋelofâc jaŋe ŋic Fâri Wâtugne erao fec wahac epie honec-jopaniŋmu."

Jesuzi mume opâzi waiŋ ewec

2 Gie bapa jajahec tarama Kana haeo Galilaia mâreŋko ŋic gokac jajahec muturec-jofaniŋte irec tiwâ bâzi qapie fisiwec. ² Ehuc Jesu nengoc-ticne erâ e jahacne â motecfâc-ticne mâmâc hefârec-jopapie fisimbîŋ. ³ Eme tumagŋerâ bâzihec waiŋ nâpie zickeme Jesu nengoc-ticnezi e âzâcnerâ muwec: "Waiŋ-ŋenic omaekac." ⁴ Mume Jesuzi zîguc âzâcnewec: "ŋokac, i nâhâcne wiac me? Dameŋ-nane miŋecnea maickeocmu." ⁵ Eme nengoc-ticnezi kiŋaŋ qaqâ zîguc jazawec: "Wiac mocte ŋazame enzepieŋ." ⁶ Eme fic ira opâ pake 6 gewec. Judagiŋ jaŋe me sahaç-ŋenic gâbâ zure jumbierŋe fic sâc opâ pake iguc ŋerawec. Pake i piticne mâcne, kâcŋene sâko. ⁷ Eme Jesuzi kiŋaŋ qaqâ zîguc jazawec: "ŋoŋe opâ fiarâ pakeo qapie huoc." Eme jaŋe iguc erâ opâ qapie hurâ pake micnao qafârewec. ⁸ Iguc epie zîguc jazawec: "ŋoŋe tucne fiarâ nânâ soŋaŋtao baraniŋ." ⁹ Eme jaŋe fiarâ barahapie opâzi waiŋ eme nânâ soŋaŋzi nâhonerâ kâuc bawec. Kiŋaŋ motec opâ fiarâ pakeo qapie huwec jaŋe sawazi waiŋte fuŋne mana târambîŋ. Eme nânâ soŋaŋzi ŋic gokac bawec, e hefârerâ ¹⁰ zîguc âzâcnewec: "Qanaŋ waiŋ aŋacne gumec-jopapene nâkupie maŋŋenic bibiriwazo eme zâhec waiŋ oomane gumec-jopaeggopeneg, hata-nâŋec iguc fokac. Go ine qac qâtikic ehuc aŋacne hefacketec ŋeku zâhec fuakac."

¹¹ Jesu e Kana haeo Galilaia mâreŋko ira hâcne mâsi bapa gie-ticne

1:42 Mat 16:18; Mar 3:16 1:43 Mat 8:22; Mar 2:14 1:45 Sâc 18:18; Jes 7:14; 53:2; Jer 23:5; Ezek 34:23 1:46 Joh 7:41, 52 1:47 Mi Mâ 32:2; 73:1; Fuf 25:27 1:49 Sam II, 7:14; Joh 6:69; Mi Mâ 2:7; Mat 14:33; 16:16 1:51 Fuf 28:12; Mat 4:11; Mar 1:13 2:1 Joh 1:43 2:4 Joh 19:26; Mat 12:48; Mar 1:24 2:6 Mar 7:3, 4 2:11 Joh 1:14; 11:40


fugkehuc Wofuŋ qâreŋ-ticnere foŋ bararuŋkewec. Eme motecfâcne jaŋe i honerâ e manasiŋkembij.

Jesu e taha ufuŋ furu muwec

(Mat 21: 12-13; Mar 11: 15-18; Luk 19: 45-46)

¹² Eme Jesu e Kana haeonec Kafanaum haeo rame nengoc qafâc-ticne â motecfâc-ticne mâmâc bâjâperâ rafârembij. Eme ira boc mi jumbij.

¹³ Judanjic aakic hombaŋ-jenji bembenjkewecte Jesuzi Jerusalem haeo



Jerusalem hae sâko

rafewec. ¹⁴ Eme taha ufuŋ zuhucnao lama bulimakao â hapâ wiac badomahuc nareŋ gareŋ embij, ehuc irec moner teboo wose biric embij.

¹⁵ Iguc epie Jesuzi honec-joparâ repa mizeme zika eme ŋic mecne lama bulimakao mecne jâpec-jopame wisepie moner tie-jarerâ irec tebo herândiŋ-

kewec. ¹⁶ Erâ hapâ badomambij jaŋe ziŋuc jazawec: "Ŋoŋe Mamac-nanere ficko wiac kosa mi epie situâc fic ezejec." ¹⁷ Jesu e iguc eme motecfâcne

jaŋe miti pâpioao dâŋqâreŋ kecziŋuc fokac irec manasumbij: "Gore ficte erâ bunane zoc zarâ zâfitacnukac." ¹⁸ Eme Judanjic jaŋe wiocnerâ mumbij: "Go

iguc ekomeczi wemo mâsi moc bahuc fuŋnege bataniŋke-nârecmu?" ¹⁹ Eme micjenicko rorâ ziŋuc jazawec: "Ŋoŋe taha ufuŋ keczi heropieple noni zoarj

jahec â moc eha mocwâc bâzickepemu." ²⁰ Iguc muhuc jazame mumbij, "Kâcqenefâc-nâŋec jaŋe taha ufuŋ zi jara 46 baku bâzickembij, eme goki

zoarj jahec â moc sawa ira bâzickezo mukomec me?" ²¹ Jesu eki ine saha-

-ticnere ufuŋko qetickehuc muwec. ²² Juku hâmockonec qârerâ fahareme motecfâcne jaŋe dâŋ i manasumbij. Ehuc ufuŋte muwec, â miti papiao ere dâŋ gâcne mukicne, irec mâmâc manapie fârine eha mana zakiembij.

2:12 Joh 7:3; Mat 4:13.

2:16 Luk 2:49

2:17 Mi Mâ 69:9

2:18 Mat 21:23; Joh 3:2

2:19 Mat 26:61; 27:40

2:21 Kor I, 6:19

²³ Jesu e aakic hombaŋko Jerusalem haeo juhuc fuŋne qaqa mâsi bame ģic bocjahazi honerâ zâŋe-ticne mana sakac embiġ. ²⁴ Jesu e jahac ine ģic hone tarac-jopa-fârewecte jaġerao mi fohorewec. ²⁵ E ģic mocte fuŋne manaocte ġâcne mu indij mi ejarewec, e jahaczia ģic maġġenġic hone zâġi-tac ejare-fârewec.

Nikodemo ere binar

3 Farisaio ģic jaġere âgo moc juwec zâġene Nikodemo. E Judanjic jaġere micne sâko wâc juwec. ² Ħic eki hâcne Jesu ġafeo iqickerâ zġuc âzâcnewec: "Qaqazu, nâġe fuŋnege manaengopenenġ, go qaqazu fârinezi Anuturaonec wahamenġ, go mâsi baekic i ģic moczi Anutu tâmiric juhuc bapane mi ekac." ³ Mume Jesuzi zġuc âzâcnewec: "No jâmbomac jâmbânġ gazape: Moc e harierâ fufua qâricne mi fuaocmuzi Anuture uucmaġ sâcne mi bâfuaocmu." ⁴ Eme Nikodemozi muwec, "Hâc, moc e kâcġen-kekicnezi fufua qâricne wenġuc fuaocmu, wemocko nengoc bumaŋko mocwâc hume hâsine roocmu?" ⁵ Mume Jesuzi zġuc âzâcnewec: "No jâmbomac jâmbânġ gazape: Moc e Opâ â Mârore kiwecko qâricne mi fuakicnezi Anuture uucmaġko sâcne mi raziocmu. ⁶ Ħickiwecko fuakicnezi ģic hawari jaha, Mârore kiwecko fuakicnezi Mârore hawari jaha. ⁷ Ħoġe fufua qâricne fuanġte mupe go manatec mi qunġeoc. ⁸ Mâġân e kosa qaekac, eme go fânân-ticne i manaekic, â fuŋne wenirec fuġġerâ wareekac, â wena ratarâekac, ine mi manaekic. Eme moc e Mârore kiwecko fuakicne, e fuŋne-ticne iġucneâ fokac." ⁹ Mume Nikodemozi dâġ zġuc bâtikiecnnewec: "I wenġuc erâ iġuc ezo?" ¹⁰ Mume Jesuzi zġuc âzâcnewec: "Go Israe ģic jaġere qaqazuzi irec kâuc bakomec me? ¹¹ No jâmbomac jâmbânġ gazape: Nâġe wiac hone manac eengopenenġ iġaha ġaza mutâc eengopenenġ, eme ġoġe ine dâġ-nâġec qikiġneengopienġ. ¹² Wiac mârenġko fufuane irec mac ġazape sifu mi mana zakieengopienġ, eme wiac sambânġko fufuane irec ġazape wemo-ġenġiczi mana zakienġmu? ¹³ Ħic moczi sambânġko moc mi fewec, Ħic Fâri Wâtunġe, sambânġkonec wahawec, e mocjahazi sambânġko wâc juekac.

¹⁴ "Mose e mârâc jaha mârenġ sawao homa bâfegnewec, iġuc jaha Ħic Fâri Wâtunġe e bâfegnezo mukicne. ¹⁵ Eme e manasiġkeniġmu jaġe juju sananġ bâfuanġmu. ¹⁶ Anutu e ģic ġoġere mo iġucne ecnewecte Ħokâ jâmbânġ-ticne mocjaha e râe qikiġ ecnewec. Eme e manasiġkeniġmu jaġe moc mi sipirickehuc juju sananġ bâfuanġmu. ¹⁷ Ħokâ e ģic jaġere kiġ bataraocte mâcne, ģic bâpiaġ-jopaocte Anutuzi soremehawawec. ¹⁸ Moc e Ħokâ manasiġkekaczi okacnere biġe mi ekac. Â moc e Ħokâ mi manasiġkekaczi ine biac okacnere biġe ekac. Wemocte? E Anuture Ħokâ jâmbânġ mocjaha ere zâġe mana maġ mi ekac irec. ¹⁹ Okacnere fuŋne zġuc fokac: Tatamaczi ģic malc-jopame jaġe tatamac bâsuerâ dapâcte wosâembij, juju bapa-ġenġic sâqocnere iġuc hâcne embiġ. ²⁰ Moc e sindanġ eocmuzi tatamac râpeckeocmu, juju bapa-ticnere fuŋne jaġġenġkezacte wemocko tatamacko fua taniġ eocmu. ²¹ Moc e dâġ fâri qizecne renġeocmuzi ine tatamac

2:25 Mar 2:8 3:1 Joh 7:50; 19:39 3:2 Mat 22:16 3:3 Mat 18:3; Luk 17:21; Pet I, 1:23
3:5 Eġek 36:25-27; Efe 5:26; Tit 3:5 3:6 Joh 1:13; Fuf 5:3; Mi Mâ 51:5 3:8 Mar 4:41;
Mi Mu 11:5 3:11 Joh 7:16; 8:26, 28; 12:49 3:12 Luk 22:67 3:13 Muq 30:4; Efe 4:9
3:14 Ĥar 21:8, 9 3:16 Rom 5:8; 8:32; Joh I, 4:9 3:17 Joh 5:22; 12:47; Luk 19:10; Apo 17:31
3:18 Joh 3:36; 5:24 3:19 Joh 1:5, 9-11; 12:48 3:20 Efe 5:13

maickeocmu, eme eebapa-ticne Anuture micdânte sâcko ekicne irec fugne taniŋkeocmu."

Johanezi Jesure fugne mutaniŋkewec

²² Eme juku Jesu e motecfâcne rocjopame Jerusalem hae beherâ Judaia qaŋegnaopec ra jumbiŋ. Ira jagehec juhuc ŋic opâ rua-jarewec. ²³ Johane e mâreŋ moc zâŋene Ainon, Salim haeopec juhuc iŋuc jaha Miti Opâ gie bawec, ira opâ bocjaha fowecte ŋic jage fisiŋie rua-jarewec. ²⁴ Johane e damen ira kâpâcwâru ficko mi râekicne.

²⁵ Eme Judagiŋ moczi Johane motecfâc-ticne jagehec opâ ruruare mu qaŋatarac embiŋ. ²⁶ Eme motec jaŋe Johanerao rarâ ziguŋ âzâcnembiŋ: "Qaŋazu, go Jordan ocnigucnao juhanŋtecne ŋic moc bâfuacgume fugne-ticne mujaggeŋkerâ nâzâmen, eki damen ziguŋzia ŋic opâ rua-jareme erao rafârengopiŋ." ²⁷ Mupie Johanezi ziguŋ jazawec: "Ŋic moc e sambân runezi wiac râcne tahac mi ehame e jahac wemocko kâŋgâc roocmu. ²⁸ No kecziŋuc muhuc ŋazapo i wemocko mickeniŋmu, 'No Kristo aricne, no biŋe mumu-ticne sawa.' ²⁹ Ŋokac biŋe mucnekicne eki hâcne ŋokac rune. Eme ŋokac bahuc zeri kâcŋene zeri eme âgo-ticnezi manarâ bafickehuc bubiaŋ sâko bâfuaoocmu wâc. Bubiaŋ i hâcne manapemurâ damenŋe maickekac zi. ³⁰ Eki fua fehame noni pitiwazepac. ³¹ Faicnec wahaweczi qâhuc-nâpo-fârekac. Moc e mâreŋkonec fuakicnezi mâreŋte biŋe ekac â mâreŋkopec dâŋ muekac. Â sambânkonec wahaweczi ine qâhuc-nâpo-fârekac. ³² Eki wiac hone manac ewec irec dâŋ biŋe muekac. Mume ine ŋic jaŋe dâŋticne qikiŋneengopiŋ. ³³ Â dâŋticne mana maŋ ekac e Anutu mume sasanaj jukac dâŋ i dopeckekac. ³⁴ Anutuzi ŋic sorewec eki Anuture dâŋ jaha muekac. Ŋic iŋucne e Anutuzi Mâro sâc tâmiric qikiŋnecneekac. ³⁵ Mamac e Ŋokâ hone ririŋkehuc ere meo wiac sasawa râe-fârewec. ³⁶ Moc e Ŋokâ manasiŋkeocmu e juju sanaj ziguŋzia fuacnekac, â moc e Ŋokâre dâŋ bâsuehuc juocmuzi juju sanaj mi bâfuaoocmu. Iŋucnere faio Anuture kimben feweczi foocmu."

Jesu e Samaria mâreŋkonec ŋokac moc dâŋ âzâcnewec

4 Farisaio jaŋe Jesure ziguŋ manambiŋ: "Eki motec rocjoparâ opâ rua-jareekac, i Johanere gurufâc jowarungopiŋ." ² Dâŋ i mâc mumbiŋ, Jesu e jahac ŋic opâ-mi rua-jarewec, motec jaŋe mume rua-jarembiŋ. ³ Eme Wofunzi dâŋ iŋucne manarâ Judaia mâreŋ beherâ Galilaia mâreŋko risie rawec. ⁴ Rahuc Samaria mâreŋ fotâcnewec. ⁵ Fotâcnehuc Samariare hae moc zâŋene Sika ira fisiwec. Hae i Jakobozi ŋokâ-ticne Josefe mâreŋ qikiŋnecnewec irec mendânko ŋewec. ⁶ Eme ijaha Jakobore opâ nombân fowec wâc. Eme Jesu e ira gunpiticko fisirâ betanŋerâ nombânmecko waha ŋemanawec.

⁷ Ŋehame Samaria ŋokac moŋzi opâ fiaocte fisiwec. Fisime Jesuzi ziguŋ

3:22 Joh 4:1, 2 3:23 Mat 4:12 3:24 Mat 14:3 3:26 Joh 1:26-34 3:27 Heb 5:4
 3:28 Joh 1:20, 23, 27; Mar 1:2; Mat 11:10 3:29 Mat 9:15; 22:2 3:30 Sam II, 3:1 3:31 Joh 8:23
 3:32 Joh 3:11 3:34 Joh 1:33, 34 3:35 Joh 5:20; 17:2; Mat 11:27 3:36 Joh 3:18; Luk 3:7;
 Joh I, 5:12 4:1 Joh 3:22, 26 4:2 Kor I, 1:17 4:4 Luk 9:52 4:5 Fuf 48:22; Jos 24:32

âzâcnawec: "Go opâ moc gumecnuc." ⁸ Motecfâcne jage nânâ furine baniŋte hæo fehapie Jesu buc ŋehuc ŋokac opâre âzâcnawec. ⁹ Âzâcneme ŋokac e muwec, "Go Judanjiczi weniguc erâ Samaria ŋokac norao opâre mukic?" Judanjic â Samaria ŋic jage bâtâcko jujumbienŋe ŋokac e iguc muwec.

¹⁰ Eme Jesuzi ziguc âzâcnawec: "Go Anutu jaug-ticnere fugne â opâre gazakopac nore fuŋne mâmâc kâuc bakic. Mana tararâ muzac numu-naretec opâ fifisine gazeapo." ¹¹ Mume ŋokaczi ziguc âzâcnawec: "Bombon, opâ nombâŋ i zoricne, erâ go opâ fifiage aricnere opâ fifisine wenirec fiacmu?"

¹² Mimiŋne-nâŋec Jakobo e opâ nombâŋ zi rowec. Erâ e jahacne â ŋokâ-fâcne â lama bulimakaofâc-ticne jage opâ zi jaha nâhuc jumbiŋ. Goki Jakobore sâc i jâuruhuc opâ moc bâfuacmu?" ¹³ Iguc mume Jesuzi ziguc âzâcnawec: "Opâ zi gapecne tâmiric, irec i hati nârâ nâ ehuc juzo, ¹⁴ â nore opâ ine gapecnehec, moc e i nâocmu, e opâre mocwâc mi hâmohec mât jurazihuc juocmu. Noni opâ i ŋic moc râcnepe maŋtichao opâ zâŋe bâfuac-neme juju sananŋe zâkânko rahuc domaocmu." ¹⁵ Mume ŋokaczi ziguc muwec: "Bombon, go opâ i naretec nârâ opâre mocwâc mi hâmozepac, ehuc zira gâbâ ware fiahuc domaekopac i behezepac."

¹⁶ Iguc mume Jesuzi ziguc âzâcnawec: "Ra ŋowege jowatec warenic."

¹⁷ Eme ŋokaczi muwec, "No ŋowe-nane aricne." Mume Jesuzi muwec, "Go ŋowege aricne, i sâcne mukomec; ¹⁸ go ŋic memoc ba behec ejaremeŋ, â ziguczia bakomec e gore ŋowe aricne, irec go dâŋ jâmbomac mukomec."

¹⁹ Mume ŋokaczi ziguc âzâcnawec: "Ŋicbombon-nane, no migece mane-kopac, go porofete. ²⁰ Irecec mutec manape: Kâcŋenefâc-nâŋec jage tiki kec-zira Anutu mai ecne jumbiŋ, â Judanjic ŋoŋe ine Jerusalem hæoa Anutu mai ecnezo, iguc muengopieŋ." ²¹ Eme Jesuzi ziguc muwec: "Ŋokac, no gazape manac: Dameŋ moc bembenŋekac, i maickeme ŋoŋe Mamac mai ecneniŋmu i tiki kec-zira mâtne â Jerusalem hæo wâc mi eniŋmu. ²² Ŋoŋe kâuc bahuc mai ecneengopieŋ, nâŋe ine mana tarahuc mai ecneengopeneg. Bâbâpiaŋ i Judanjic nâŋeraonec. ²³ Dameŋ moc maickeocmu erâ zi biac maickeac hâcne, ira kikefunfâc-ticne fârine jage maŋzi â dâŋ fâri qizecnere sâcko Mamac mai ecneniŋmu. Mamac e ŋic igucne jaŋere ecneekac. ²⁴ Anutu e Mâro funŋâtâne, irec e mai ecneengopieŋ ŋoŋe Mâro â dâŋ fâri qizec jahere ŋesigko mai ecnenzepieŋ." ²⁵ Mume ŋokaczi ziguc âzâcnawec: "No manakopac, Mesia fuaocte mukicne, zâŋene moc Kristo, eki fuarâ wiac sasawa mu bataniŋ enâreocmu." ²⁶ Eme Jesuzi âzâcnawec: "Dâŋ gazakopac, no hâcne zi."

²⁷ Iguc muhame motecfâcne fisimbiŋ. Fisirâ ŋokachec muc manac ewec irec wareckembiŋ. Erâ wemo wiacte dâŋ âzâcnekomec, me wenigucte âzâcnekomec, iguc muhuc wiocneniŋte manapie quŋkeme behembiŋ. ²⁸ Eme ŋokac e opâ râqâc-ticne beherâ hæo gasacke rarâ ŋic ziguc jazawec: ²⁹ "Ŋoŋe warerâ ŋic moc honeniŋ, eki epo bapo irec dâŋ mutaniŋke-nare-fârekac. E Kristo wiac moc?" ³⁰ Eme hæonec waharâ Jesurao fisi-fârembiŋ.

³¹ Eme motec jage ziguc âzâcnembiŋ: "Qaqazu, nânâ nâc." ³² Mupie jazawec, "Nânâ funmoc fonarekac, i ŋoŋe mi manangopieŋ." ³³ Iguc mume motec jaŋackoan nazaŋ gazaŋ erâ mumbiŋ: "Moczi moc nânâ bafisirâ râc-

nembien me?" ³⁴ Mupie muwec, "Sorecnuwec ere mic renkehuc gie-ticne baku babatara izi nânâ-nane ekac." ³⁵ Ŋaŋac zīguc muengopien: 'Mosa 4 taramē nânâ fârine fuaocmu.' Â noni ine ŋazape manani: Ŋoŋe qâhânnerâ zâŋe fihuc gie honenig, nânâ fârine fufua damē zine hâcne maickekac. ³⁶ Ro qânusuc gie baocmuzi furine roocmu, â fârinezi juju sanante bige eocmu. Eme he sarac ewec â fârine rome fewec jahe mâmâc babafic erâ zeri enicmu. ³⁷ Ehamē dâŋ keczi sanankeocmu: 'Moczi he sarac eekac, â moczi fârine rome feekac.' ³⁸ Noni ŋoŋe he sarac mi embiŋko fârine ropie feocte sorec-ŋopakopac. Gie i gâcnezi bapie fuawec eme ŋoŋe mâc rauc-kengopien."

³⁹ Eme Samaria ŋokac e haefâc-ticne zīguc jazawec: "Wiac epo bapo i mutaniŋke-nare-fârejec." Eme dâŋ irec bocjahazi Jesu manasiŋkembig.

⁴⁰ Irece Jesurao fisirâ jaŋehēc juocte hefârembig. Eme Jesuzi mana-jarērâ zoaŋ gie bapa jajahec jaŋere hao juwec. ⁴¹ Eme miti jazame bocjaha jâm-bânzi mana zakiembig. ⁴² Ehuc ŋokac zīguc âzâcnembig: "Qanaŋ gore dâŋ binante erâ manasiŋkembeneŋ, zi ine nâŋe nâŋâc micticnaonec dâŋ manarâ zīguc manapaŋkengopenen: Eki jâmbomac mâreŋ sâc ŋic nâŋâcne Bâbâpiaŋ."

Jesuzi motec moc hucticne bâniniŋkewec

⁴³ Eme Jesu e jaŋehēc gie bapa jajahec jurâ Galilaia mâreŋko rawec.

⁴⁴ Jesu e jahac qanaŋ zīguc mufuawec: "Porofete moc e jahacne hao mâreŋko jume sâcne mi sâseniŋmu." ⁴⁵ Eme Galilaia mâreŋko rafisime Galilaia ŋic jaŋe âgo ecnembig. Ine jaŋe juwicnao mâmâc Jerusalem hao rarâ aakic hombaŋko gie bame honembiŋte iguc ecnembig.

⁴⁶ Eme Kana hao Galilaia mâreŋko mârâc mume opâzi waiŋ ewec ira hâcne mocwâc risiewec. Eme Kafanaum hao kia moc juwec, e ŋokâ-ticne hucsâko bame fowec. ⁴⁷ Eme Jesu e Judaia mâreŋkonec risierâ Galilaia mâreŋko mocwâc ware fisikac, iguc mupie manarâ kia e Kana hao Jesurao rarâ ŋokâ-ticne hâmozo ehuc fowec irec jowame ranicte numuc-newec. ⁴⁸ Eme Jesuzi zīguc âzâcnewec: "Ŋoŋe mâsi â wiac zâŋe furu-ŋeŋic sâwa honerâ dâŋnane mana zakieengopien." ⁴⁹ Eme ŋiczi muwec: "Wofuŋ, ŋokâ-nane hâmozacte biac fâzemec." ⁵⁰ Mume Jesuzi zīguc âzâcnewec: "Go mâc rac, ŋokâge qiqic qakac." Eme ŋic e Jesure dâŋ mana zakiehuc risie rawec. ⁵¹ Ehamē motec jaŋe kiŋaŋ warerâ zīguc âzâcnembig: "Ŋokâge qiqic qajec jukac." ⁵² Mupie qiqic qawec damē irec mu indiŋ ejareme mumbig: "Jacne zoaŋ zâzâŋiŋ ŋehame ira hucticne âke ninigkejec." ⁵³ Iguc mupie ŋiczi fuŋne kecziŋuc manawec: Damē ira hâcne Wofuŋzi sorec-nuhuc mujec, "Ŋokâge qiqic qakac." Eme e jahacne â garikinŋâc-ticne Jesu manasiŋke-fârembig. ⁵⁴ Jesu e Judaia mâreŋkonec Galilaia mâreŋko risierâ fuŋne qaqa mâsi i bame jajahec ewec.

/Jesu e Betesida riqicko njic moc qiqicne bawec

5 Juku Judanjic jagere hombanj sâko moc maickeme Jesu e Jerusalem haeo rafewec. ²Eme Jerusalem haeo Lama Motâcko riqic moc gewec zâgene Betesida. Ere mecnao fic memoc grawec. ³Fic ira njic huchec â tîntuj â zeke purij â soc kekereghec bocjaha fombij, [ehuc opâ qirij qaocte woheckembinj; ⁴Wofunte agelo moczi damenj ocgondenj sâc riqicko waharâ opâ qâuawec; qâuahame moczi bâbânî opâo huwec e huc ecnewec i niniñkecneme qiqic qawec.] ⁵Eme moc fowec e purij ecnehuc juhame jara 38 ewec. ⁶Eme Jesuzi njic e honerâ damenj zora fohuc jukac, injuc manarâ wiocnerâ muwec: "Go qiqic qacmurâ egarekac me?" ⁷Eme purijzi muwec, "Bombonj, mo njic mo junarekaczi opâ qirij qaha riqicko râecnuzac? Â no nahac huzo mupe ine moczi biac âkehocnurâ huekac." ⁸Mume Jesuzi zinjuc âzâcnawec: "Go faharerâ fofoge rorâ rac." ⁹Mume izia sahad-ticne biankeme faharerâ fofo-ticne ameckerâ rawec. 30anj ira ine sabata hombanj nembij.

¹⁰Irec Judanjic jaje njic qiqic qawec e zinjuc âzâcnembij: "Mijecgac hombanjko fofoge hâpokomec i mi eene." ¹¹Mupie zinjuc jazawec: "Bâpianj-nukaczi zinjuc naza sorec ekac: 'Fofoge rorâ rac.' " ¹²Mume wiocnerâ mumbij, "Fofoge rorâ rac gazajec njic e zâgene mo?" ¹³Mupie njic biankeweczi kâuc bawec. Jesu e njicguru ira domambij jagere. gondenjko kamierâ rawec. ¹⁴Izi zâhec Jesuzi njic e taha ufunko bâfuârâ uñ zinjuc âzâcnawec: "Go sahadge biankejec, eme wiac gemâc bâmâcne jâmbân fua-garezacte sâqocne mocwâc mi bazemec." ¹⁵Eme njic e Jesu hone tararâ ra Judanjic zinjuc jazawec: "Njic bâpianjnukac zâgene Jesu." ¹⁶Jesu e sabata hombanjko gie injucne bawecte Judanjic jaje râsi ecnembij. ¹⁷Epie Jesuzi zinjuc jazawec: "Mamac-nane e gie zuzuhuc jaha baekac, eme noni injuc jaha wâc eekopac." ¹⁸Eme Jesu e sabata hombanj hesifuckewec â Anuture Mamac-nane muhuc Anuture sâkô zuhuckewec, Judanjic jaje wiac jajahec irec erâ mana gâpârerâ qaniñte mumbij.

Jesu e bâqârec-nâporâ okacnere dâñ mutara-nâreocmu

¹⁹Eme Jesuzi dâñ zinjuc jazawec: "No jâmbomac jâmbân gazape mananiñ, Jokâzi manticnere sâcne gie mi baekac, Mamaczi bame sâc honehuc baekac. Eki baekac ijaha Jokâzi baekac. ²⁰Mamac e Jokâ honebâckeeckacte gie baekac sâc jâutu-fâreekac, erâ gie 3i honengopien sawa mâcne, fekicne sâko jâutume gonge honerâ wareckeninjmu. ²¹Mamac e hâmokicne wiwic-jopârâ bâqârec-jopaekac, injuc jaha Jokâzi e me e bâqârezo murâ bâqâreocmu. ²²Erâ Mamac e njic okacnere dâñ mi mutara-jareekac, gie i Jokâre meo râewec. ²³Eme njic jaje Mamac sâseengopien injuc jaha Jokâ sâsenzepien. Moc e Jokâ mi sâseocmuzi, Jokâ sorewec, Mamac hâcne, e injuc jaha mi sâseocmu. ²⁴No jâmbomac jâmbân gazape mananiñ: Moczi nore dâñ mana manj ehuc, sorecnuwec e manasiñkeocmu, njic e zinjuczia juju sanahhec ekac. E okacnere biñe mi ee hâmoc râpeckerâ jujuo raziwec jukac hâcne. ²⁵No jâmbomac jâmbân gazape mananiñ:


5:8 Mat 9:6 5:9 Joh 9:14 5:10 Jer 17:21; Luk 6:2 5:12 Luk 5:21 5:14 Joh 8:11 5:16 Mat 12:14
 5:17 Joh 9:4 5:18 Joh 7:30; 10:33 5:19 Joh 3:11, 32 5:20 Joh 3:35 5:22 Dan 7:13, 14;
 Apo 17:31 5:23 Fil 2:10, 11; Joh 1, 2:23; Luk 10:16 5:24 Joh 3:16, 18; 8:51; Joh 1, 3:14
 5:25 Mat 8:22; Efe 2:5, 6

Dameŋ moc maickeocmu, erâ ʒi biac maickekak hâcne, ira hâmokicnezi Anutu Ȯokâ-ticne ere dâŋ manarâ qârerâ juniŋmu. ²⁶ Mamac e jujure fuŋqizecne, emê Ȯokâ e iŋuc jaha jujure fuŋqizecne eocte qikiŋecnewec. ²⁷ Erâ e Ȯic Fâri Wâtugne jukacte ȋic okacnere dâŋ mutara-jareocte mucnewec. ²⁸ Dâŋ irec manapie mi quŋkezejec. Dameŋ moc bakicne fokac i maickeme ʒâŋerunŋo foengopieŋ jaŋe ere dâŋ wiwira manarâ wefunzongopieŋ. ²⁹ Ehuc juju biagne jumbiŋzi juju sanante faharenzongopieŋ, â juju sâqocne jumbiŋzi kiŋte okacne roninte faharenzongopieŋ. ³⁰ No nahacne maŋte gie i bapane mi fokac, Mamac-nanere micsâcko sawa okacnere dâŋ mutara-jareekopac. Iŋuc ehuc okacnere gie bape sâckoa eocmu. I no nahacne dâŋ mâcne, sorecnuwec ere dâŋ ʒaeckeekopac.

Anutuzi Ȯokâ-ticnere fuŋne bataniŋkeekac

³¹ “No nahac fuŋne-nane mutaniŋkepe fârimâc eocmu. ³² Fuŋne-nane i moczi mutaniŋkeocmu, erâ no manakopac, fuŋne-nane mutaniŋkeme fârine eocmu. ³³ Ȯoŋe Johane mu indîŋ ecnepie dâŋ fâri qizecne mutaniŋkewec. ³⁴ Erâ ȋiczi fuŋne-nane mutaniŋkeniŋte ine mi muekopac, ȋoŋe fuŋne-nane manarâ jujure hata âteninte irec mâc ŋaŋacnere muekopac. ³⁵ Johane e jâmbomac lambe sâko erâ tamae-ŋarewec. Eham ȋoŋe mâc ʒâzirigne nac-bembeng hone aŋac ehuc jumbiŋ sawa.

³⁶ “Â nore fuŋne mutaniŋkeekac, e Johane iŋucne mâcne, e sâc moc. Mamac gie munarewec, gie irec fârine bâfuape ine Mamaczi sorecnume wahapo irec fuŋne taniŋkeekac. ³⁷ Mamac sorecnuwec eki hâcne fuŋne-nane mutaniŋkewec. Ȯoŋe ine e jahacne mickonec dâŋ mi manambiŋ â hawarine wâc mi honembîŋ. ³⁸ Erâ ȋoŋe dâŋticne maŋŋericko sâcne mi râepie fohuc juekak. Ȯic sorewec ere dâŋ qikiŋnehuc wemocko iŋuc eniŋmu. ³⁹ Ȯoŋe miti papiao kecziŋuc muhuc wose gufuc eengopieŋ:



Miti papia-jengi moc

5:26 Joh 1:1-4 5:27 Dan 7:10, 14; Joh 5:22 5:29 Joh 6:40; Dan 12:2; Mat 16:27 5:30 Joh 5:19;
6:38 5:31 Joh 8:14 5:32 Joh 5:36, 37; Joh I, 5:9 5:33 Joh I:19-34 5:35 Luk 1:17
5:36 Joh I, 5:9; Joh 1:33; 3:2 5:37 Mat 3:17; Sâc 4:12 5:39 Luk 24:27, 44; Tim II, 3:15-17;
Pet I, 1:11

Juju sanaj ira hâcne songkekicne. Erâ izi hâcne nore fugne mufuaekac.
 40 Eme gonge norao juhuc juju sanajhec ee i sifu qikiqneengopieŋ.

Judanjiŋ jaŋe Moserao manggân roweckembiŋ

41 "No ŋiczi sahaç mumuteŋ wiac enareninŋte irec mi muekopac. 42 Ŋongere fugne ine jâmbornac manaekopac, manggeŋic Anutorea mi domaekac. 43 No Mamac-nanere micte ŋongerao wahapo, eme gonge sifu âgo mi enareengopieŋ. Juku ŋic moc e e jahacne manŋte fisime ine âgo ecnëniŋmu. 44 Ŋonge ŋaŋaczia mumuteŋ eec ehuc Anutu qâqâhâc sâko ere mumuteŋte mi enareekaczi wemocko mamasanighec eniŋmu? 45 Ŋonge nore zinguc mi munzepieŋ: Eki Mamactao dâŋnâŋec mugâpâre-nâreocmu. Iguc mâcne, gonge ŋic moctao roweckeenŋopieŋ, Mose hâcne, eki mugâpâre-ŋareocmu. 46 Mose e dâŋ qâreŋkewec i nore qâreŋkewec. Eme gonge ere dâŋ mana zakierâ muzac nore mâmâc mana zakienzapiŋ. 47 Mosere dâŋqâreŋ qikiqneuhuc nore dâŋ wemocko mana zakieninŋmu?"

Jesuzi ŋic 5000 nânâ gumec-jopawec

(Mat 14: 13-21; Mar 6: 32-44; Luk 9: 10-17)

6 Jesu e dâŋ i mufârerâ Galilaia riqic, Tiberia riqic hâcne, fotâcnerâ ocnigucnao raziwec. 2 Razime ŋic ŋokac bocjahazi huc zâichec qiqicne bacjopame honembiŋte bâjâpembig. 3 Eme Jesuzi motecfâcne rocjopame tikio ferâ nembig. 4 Dameŋ ira Judanjiŋ aakic hombaŋ-jegic bembekewec. 5 Eme Jesuzi zâŋe firâ ŋic guru sâko fisipie honec-joparâ Filipo wiocnerâ muwec, "Poron wenirec furine barâ i sâko gumec-jopapene sâc-jopaocmu?" 6 E wiac eocte manasume foha mâc esâickewec. 7 Eme Filipozi zinguc muwec: "20 kinazi poron furine barâ gumec-jopapene mâc hesâsâc-jopaocmu." 8 Mume motecfâcne jaŋeraonec moc, Anderea, Simon Potorore qa, eki zinguc muwec: 9 "Zira motec moc jukac eki poron memoc â opâ qowi jajahec bajukac, erâ ŋic guru sâko jâmbânŋte keci mac izi wemo ezo?" 10 Eme Jesuzi muwec, "Ŋonge ŋic ejarepie qâzuckerâ waha ŋeniŋ." Eme mâreŋ ira kecqaŋ fowec i toma âterâ ŋic 5 tausenŋ qâririŋ iguczi waha ŋerambig. 11 Eme Jesuzi poron rorâ dange murâ ŋic ŋerambig jaŋe bâtâc bajarewec â qowi iguc jaha mupie sâc jarewec. 12 Nârâ gapec-jopame Jesuzi motecfâcne zinguc jazawec: "Tiwâne forâ sipirickezacte nuseniŋ." 13 Eme jaŋe poron memoc irec tiwâne nusepie sasac 12 hurâ fusewec. 14 Eme ŋic jaŋe fugne qaqa mâsi i hone manac erâ mumbig, "Porofete sâko mâreŋko fuaocte mukicne, zine hâcne jâmbânŋ." 15 Eme jaŋe Jesu orâŋkerâ mezi rorâ ŋicwofuŋ-jegic âkendâŋnezo ehapie hone tarac-joparâ beheç-joparâ e jahackoan tikio fewec.

Jesu riqicko âte âte rawec

(Mat 14: 22-27; Mar 6: 45-52)

16 Hae owâeme motecfâcne jaŋe riqicmecko humbiŋ. 17 Hurâ Kafanaum haeo risie raninŋte wokeo fembiŋ. Erâ hae dapâc eme Jesu juhame buc

rambing. ¹⁸ Ehuc mângân sanagne domame siri kâcçene qame rambing. ¹⁹ Jagne kilometa 4 me 5 irec sâc rakuhapie Jesuzi riqic faio âte âte rarâ woke bâqigkeme honerâ fâfârembing. ²⁰ Iguc epie wira-jarerâ muwec: "Nahac fâkopac, mi hâwic-gopaoc." ²¹ Eme wokeo ropie feocte ehapie izia woke mâreŋ razo mumbiŋko fisiwec.

Ŋic jagne Jesu mäsire hesuambing

²² Ŋic guru sâko jagne riqic ocnigucnao fohapie hae furewec. Hae fureme zinguc mumbiŋ: "Jacne gafeo woke mocsâkoa ŋeme honembeneŋ, ira motecfâcne Jesu beherâ buc ferâ rambieŋ." ²³ Iguc manahuc ŋehapie Tiberia haeonec woke gâcne Wofunzi dange murâ poroŋ gumec-jopawecko ware fisimbiŋ. ²⁴ Eme ŋic jagne Jesu e jahacne â motecfâcne basac-joparâ wokeo ferâ Kafanaum haeo risie rarâ ira basambiŋ. ²⁵ Riqic zingucnao basaku bâfuarâ mumbiŋ, "Qaqazu, go wezimucne waremec?" ²⁶ Wiocnepie zinguc jazawec: "No jâmbomac jâmbân mupe mananiŋ, ŋoŋe fuŋne qaqâ mâsi bape honeengopieŋ irec mâcne, nânâ gumec-ŋopape nâ gapec embien, irec basacnungopieŋ. ²⁷ Ŋoŋe gie banzepieŋ, erâ nânâ sisirowenere mâcne, juju sanagne nânâ irec giene banzepieŋ. Ŋic Fâri Wâtunne eki, Anutu Mamaczi kamac sarahuc âkendâŋnewecte, juju sanagne nânâ i sâcne gareocmu." ²⁸ Mume dâŋ zinguc bâtikiecnemieŋ: "Nâŋe weniguc erâ Anutture gie banagmu?" ²⁹ Eme zinguc jazawec: "Ŋic sorewec e manasiŋkezo, izi Anutture gie biŋe-ŋeŋic ekac." ³⁰ Mume dâŋ zinguc âzâcnemieŋ: "Mo fuŋne qaqâ mâsi mo batec honerâ manasiŋgunagmu? Mo gie mo bacmu?" ³¹ Mimignefâc-nâŋec jagne mâreŋ sawao mana nâjumbieŋ. Eme irec dâŋ-qâreŋ zinguc fokac: 'Sambâŋkonec nânâ jareme nâjumbieŋ.'

Sambâŋkonec nânâ irec dâŋ

³² Eme Jesuzi zinguc jazawec: "Jâmbomac jâmbân mupe mananiŋ: Mose e sambâŋkonec nânâ mi bâfua-ŋarewec, Mamac-nanezi sambâŋkonec nânâ fârine ŋareekac hâcne. ³³ Nânâ sambâŋkonec waharâ mâreŋŋic juju bâfua-ŋareekac izi Anuttureonec nânâ fârine ekac." ³⁴ Mume zinguc âzâcnemieŋ: "Wofun, go nânâ mukic i dameŋ sâc nârezemec." ³⁵ Eme zinguc jazawec: "Jujure nânâ no hâcne. Moc e norao qohotaocmu e nânâre moc mi hâmoocmu, â moc e no manasiŋnuocmu e opâre moc mi hâmoocmu. ³⁶ No ine ŋazape, ŋoŋe no honecnu-bipiehuc sifu mi manasiŋnuengopieŋ. ³⁷ Mamaczi nareekac i jagne norao fisi-fâreniŋmu, â norao fisiocmu e mi bâsuepemu. ³⁸ Sambâŋkonec wahapo i no nahacne micdâŋ dopeckepepemuâ mâcne, sorecnuwec ere micdâŋ dopeckepepemuâ wahapo. ³⁹ Mamac-nanezi norao râec-jopaekac ŋic i jagne sipirickenzipiŋte hone qâzuc ejareku dameŋ sâkoo furu jaha wiwic-jopape faharenzongopieŋ; sorecnuwec ere micdâŋ iguc hâcne fokac. ⁴⁰ Ŋokâ hone dendeŋnehuc manasiŋkeniŋmu sâc juju sanag rauckenigmu; Mamac-nanere micdâŋ iguc hâcne fokac. Eme noni dameŋ sâkoo bâqârec-jopazokopac."

6:23 Joh 6:11 6:27 Joh 4:14; 5:36; Mat 16:12 6:29 Joh 1, 3:23 6:30 Joh 2:18; Mar 8:11
 6:31 Wah 16:13, 14; Mi Mâ 78:24 6:32 Joh 6:49 6:33 Joh 6:51 6:35 Joh 4:14; 6:48; 7:37
 6:36 Joh 6:26, 29 6:37 Joh 17:6-8; Mat 11:28 6:38 Joh 4:34; Mat 26:39 6:39 Joh 10:28, 29;
 17:12 6:40 Joh 5:29; 11:24

Jesu e juju sanan̄te nânâ

⁴¹ Jesu e "sambânkeonec nânâ no hâcne" iguc muwecte Judan̄ic jaje mana sâqorecnehuc dângembiḡ. ⁴² Ehuc zīguc mumbiḡ: "Wiac Jesu e Josefere ḡokâ, nengoc mamac jahec-ticne i nân̄e honec-jofaengopeneg. Eme wemocte zīguc mukac: 'No sambânkonec wahapo'?" ⁴³ Mupie Jesuzi zīguc jazarâ muwec: "ḡoḡe boc mi manapie sâqorezejec. ⁴⁴ ḡic moc e jahacne maḡte norao fifisi i mi fokac, Mamac sorecnuwec eki fâreme fifisine ine fokac. Eme noni ḡic igucne e dameḡ sâkoo bâqârezokopac. ⁴⁵ Porofete jaḡere dâḡqâreḡ zīguc fokac: 'Anutu e jahac ḡic sasawa miti jaza qazuc eocmu.' Irec moc e Mamaczi miti âzâcne qazuc eme manaocmu e norao fisiocmu. ⁴⁶ ḡic moczi moc Mamac honewec i mi fokac, Anutu-raonec wahawec e mocjahazi Mamac honewec. ⁴⁷ No jâmbomac jâmbân ḡazape mananiḡ: Moc e no manasignuocmuzi juju sanan̄hec eocmu. ⁴⁸ Jujure nânâ no hâcne. ⁴⁹ Mimigñefâc-ḡeḡic jaje mâreḡ sawao mana nâipiehuc hâmo-fârembiḡ. ⁵⁰ Â sambânkonec nânâ nârâ mi hâhâmo ine norao fokac zi. ⁵¹ Jujure nânâ sambânkonec wahakicne no nahacne hâcne. Irec moc e noraonec nânâ nârâ jurazihuc juocmu sanan̄. Biuc-nanezi nânâ ekac, i ḡiczi juju bâfuan̄ḡte ḡarepemu."

⁵² Eme Judan̄ic jaḡaczia mu qaqatarac erâ mumbiḡ, "E weniguc erâ biuc-ticne nâreme nanan̄murâ mukac?" ⁵³ Epie Jesuzi zīguc jazawec: "No jâmbomac jâmbân ḡazakopac, ḡoḡe ḡic Fâri Wâtugne ere biuc â soc mi nân̄igmuo maḡḡeḡicko juju mi fuaocmu. ⁵⁴ Moc e nore biuc â soc nâocmuzi juju sanan̄hec eocmu, eme noni dameḡ sâkoo bâqârezokopac. ⁵⁵ Nore biuc izi nânâ fârine, â nore soc izi opâ fârine. ⁵⁶ Nore biuc â soc nâocmuzi no maḡnuocmu a noni e maḡkepemu. ⁵⁷ Mamac e juju runezi sorecnume wahapore Mamacte erâ juekopac, eme no nâcnuocmuzi iguc jaha nore erâ juocmu. ⁵⁸ Sambânkonec nânâ irec fuḡne iguc fokac. I mimigñefâc-ḡeḡic nâmbiḡ igucne mâcne. Jaje nâipiehuc hâmombiḡ. Â nore nânâ zi nâocmu e ine jurazihuc juocmu sanan̄." ⁵⁹ Jesu e Kafanaum haeo mitificko juhuc dâḡ i jaza qazuc ewec.

ḡic tucnezi Jesu râpeckembiḡ

⁶⁰ Kikefunfâc-ticne jaḡeraonec bocjahazi dâḡ i manarâ mumbiḡ, "Dâḡ keczi manapene quḡḡḡkenehece ekac, i mozi manaocmu?" ⁶¹ Eme mu takic embiḡ i Jesu e maḡticnezi manarâ zīguc jazawec: "Dâḡ i manapie sâqorekac me? ⁶² Eme ḡic Fâri Wâtugnezi mârâc juweckoa risie feme manapie weniguc eocmu? ⁶³ Sahacte biuczi juju bâbâfua i mi fokac, juju bâbâfua i Mârore ḡie. No dâḡ ḡazaekopac i Mârohec â jujuhec. ⁶⁴ Eme ḡoḡeraonec tucnezi ine mana maḡ mi eengopieḡ." Jesu e miti-ticne qikiḡ-neniḡmu jaje mârâcko mana tarac-jopawec, â doc baocmu e mâmâc mana tarawec, irec dâḡ iguc jazawec. ⁶⁵ Erâ dâḡ moc zīguc zuhuckerâ muwec: "No irec hâcne kecziḡ ḡazapac: Moc e Mamaczi mi baafeckeha norao fisirâ jujune mi fokac." ⁶⁶ Eme dameḡ ira kikefunfâc-ticne jaḡeraonec bocjahazi jume jujure takic-jopame râpeckembiḡ.

6:42 Luk 4:22 6:44 Joh 6:55 6:45 Jes 54:13; Jer 31:33, 34 6:46 Joh 1:18 6:47 Joh 3:16
 6:48 Joh 6:35 6:49 Joh 6:31, 32; Kor I, 10:3, 5 6:51 Heb 10:5, 10 6:52 Joh 6:60
 6:56 Joh 15:4; Joh I, 3:24; 2:24 6:62 Joh 3:13 6:63 Kor II, 3:6 6:64 Joh 13:11 6:65 Joh 6:44

Petorozi Jesure funġne mujangenkewec

⁶⁷ Eme Jesuzi motec funġfunġ-ticne 12 indin-joparâ muwec, "Dġone iġuc jaha râpecnuzo mungopien me?" ⁶⁸ Mume Simon Petorozi zinguc âzâcnawec: "Wofun, go behecgurâ moc morao rananmu? Go mocjahazi juju sananġe dâġ bajuekic." ⁶⁹ Nânġe go manasinguhuc zinguc mana-gareengopenenġ: Go Anuturê Tiringic hâcne." ⁷⁰ Eme Jesuzi zinguc jazawec: "No motec ġone 12 rowosâec-ġopapo. Eme wemocte ġoġeraonec moczi Satar ekac?" ⁷¹ E Juda Simonġe ġokâ Karioto haeonec ere manasuhuc iġuc muwec. E motec 12 jaġere guruoneczi hâcne juku zâhecko Jesu doc bawec.

Jesu e rehac boze hombanġe Jerusaleġm hâeo fewec

7 Jerusaleġm haeonec Judanġic jaġe Jesu qaninġe dâġ qacnepie Judaia mâren-ġenġic qikiġnerâ Galilaia mârenġo sawa rac warec ehuc juwec. ² Ehuc juhame Judanġic rehac boze homban-ġenġic bembenġekewec. ³ Ehame qafâc-ticne zinguc âzâcnembinġ: "Go zawierâ Judaia mârenġo rarâ, zira mâsi wiac baekic i oca batec kikefunġfâcġe jaġe honenzepienġ. ⁴ Mozi fua tâcnezo murâ soġsoġ juhuc ġie baocmu? Go ġie iġucne bazo muekiecra ra ġicguruo fua taninġerâ batec honeninġ me!" ⁵ Qafâc-ticne jaġe e mi manasingkehuc iġuc mumbinġ. ⁶ Mupie Jesuzi zinguc jazawec: "Dġone dameġ kosao wiac ezo murâ sâcne enigmu, no ine dameġ-nane mi maickekac. ⁷ Dġic jaġe ġone wemocko qaisoc-ġopaninmu, no ine juju bapa-ġenġic sâqocne i mutaninġkepe qaisocnuengopienġ. ⁸ Dġone hombanġo raninġ, no ine dameġ-nane mi maickekacte zinguczia mi rapemu." ⁹ Iġuc murâ Galilaia mârenġkoa juwec.

¹⁰ Eme jaġe bânierâ rahapie e zâhecko buc kamierâ rawec. ¹¹ Eme homban maickeme Judanġic micne jaġe basarâ wiwioc erâ mumbinġ, "E wena jukac?" ¹² Â ġic omane sâko jaġe ere dâġ bocjaha mufembinġ. Ehuc ġâcnezi mumbinġ, "E ġic biagne," â ġâcnezi qatararâ mumbinġ, "Aricne, e ġic maġ bâsifuc ejareekac." ¹³ Erâ Judanġic micne jaġere hâwic-jopame dâġ tâtâcko mi mumbinġ.

Jesu e Anuturaonec dâġ bawahawec

¹⁴ Eme homban zâzâninġko Jesu e taha ufunġko ferâ miti jaza qazuc ewec. ¹⁵ Miti mume Judanġic micne jaġe wareckerâ zinguc mumbinġ: "E nâġâcne mamana ficko mi juweczî weninġc erâ mitire funġe manaekac?" ¹⁶ Mupie Jesuzi zinguc jazawec: "No mitire funġe qazu-ġareekopac i no nahacne mâcne, sorecnuwec ere. ¹⁷ Eme mitire funġe keczi i Anuturaonec me no nahacnaonec, i Anutu micne renġkehuc manâ tarazo. ¹⁸ Moc e jaġacnaonec manasurâ muocmu, e saġac mumutenġe hata âteocmu, â moc e ġie runere mumutenġ fuaocce ġie baocmu, ere ine saġac fefe tâmiric siocmâc jukac mûzo. ¹⁹ Mose e sâcmutâc dâġ mufua-ġarewec. Â ġoġeraonec moczi moc mi renġkeekac. Eme ġone wemo wiacte nuzo mungopienġ?" ²⁰ Mume ġic

6:68 Joh 6:63 6:69 Joh 1:49; 11:27; Mat 14:33; 16:16 7:1 Mar 9:30; Luk 9:51 7:2 Tah 23:34
7:3 Joh 2:12; Mat 12:46; Apo 1:14 7:5 Mat 13:55 7:6 Joh 2:4 7:7 Joh 15:18
7:13 Joh 9:22; 12:42; 19:38 7:15 Mat 13:54; Luk 2:47 7:16 Joh 12:49 7:18 Joh 5:41, 44
7:19 Joh 5:16, 18, 47; Apo 7:53; Rom 2:17-29 7:20 Mar 3:21; Joh 8:48, 52; 10:20

omane sâko jage mumbin, "Go demonzi mange bâsifuckekac. Mozi guzo mukac?" ²¹ Eme Jesuzi jazawec, "No mâsi mocjaha bapo irec erâ mu warec boc eengopien. ²² Mupe manani: Mosezi motecfâc-ŋenji saha-jenicko ma baniŋte mugarewec. Erâ i Mosezi mi fuŋkewec, mimiŋne jage fuŋkembij. Eme gie i bapane maickeme sabata hombaŋko wâc baenggopien. ²³ Ine hâcne Mosere sâcmutâc dâŋ huckepie fârimâc ezacte hombaŋko motecfâc-ŋenji saha tofa-jenicko gie i baenggopien, â no ine ŋicpurin saha-ticne furu jaha hombaŋko bâpiŋkepo, irec wemocte mana gâpâre-narenggopien? ²⁴ Ŋoŋe dâŋ onzoŋ jaha saha-cne mi muniŋ, mana wosâehuc dâŋ fârine munzapin me!"

Jesu e Anuture bufuŋkonec wahawec

²⁵ Eme Jerusalem hae rune jage ziŋuc mumbin: "Ŋic qazo muenggopien ine hâcne zi. ²⁶ Hâc, e weniguc erâ dâŋ tâtâcko mume micnefâc-nâŋec jage mi qataracnenggopien? Me jage fuŋne-ticne mana tarahuc manacnepie Kristo ekac mecne? ²⁷ Erâ iguc wâc mâcne mecne. E fufua-ticnere fuŋne managgopenen. Kristo wareocmu ine ere fuŋne kâuc bafârenanmu." ²⁸ Jesu e taha ufuŋko miti qazu-jarehuc domahame iguc mupie hahagne bahuc muwec, "Oi ŋoŋe, mana taracnurâ fufua-nanere fuŋne manaenggopien, ŋoŋe hâcne. Wahapo i no nahacne manŋe mi wahapo, jâmbomac rune moc jukac eki sorecnume wahapo. Ŋoŋe e kâuc baggopien. ²⁹ No ine e jahacne bufuŋ-konec sorecnume wahapore e mana tarakopac." ³⁰ Iguc mume kâpâcwâru baniŋte mumbin. Erâ damen-ticne mi maickewecte mejenic mâckeme behembij. ³¹ Ehame ŋic omane jageraonec bocjahazi fuŋkerâ Jesu manasiŋkembij. Ehuc ziŋuc mumbin: "Kristo fisiocmu, e ŋic zizi mâsi baekac i sirickehuc baocmu me? Aricne, e bafâreekac." ³² Ŋic jage dâŋ igucne kamierâ mupie farisaio jage manarâ taha bapa micne jagehec nazan gazan erâ momori jage Jesu kâpâcwâru baniŋte sorec-jopapie rambin.

Jesu e Mamac-ticnerao risieocte jazawec

³³ Eme Jesuzi ŋic ziŋuc jazawec: "No damen bemberne sawa ŋoŋehac jurâ sorecnuwec erao risiepemu. ³⁴ Eme ŋoŋe no basacnu-bipiehuc mi bâfuacnuniŋmu. Ra jupemu ira wemocko fâniŋmu." ³⁵ Iguc mume Judanji jage ziŋuc muhuc nazan gazan embij: "E wena rame basa-bipienanŋe mukac? Judanji âgofâc-nâŋec Grik marenko juraggopien jagerao raocte mukac, ehuc Grik miti jazaocte manasuhuc mukac? ³⁶ Basacnu-bipiehuc mi bâfuacnuniŋmu, â rapemu ira sâcne mi fâniŋmu, dâŋ igucne wenigucte mukac?"

Jesu manasiŋkehuc opâ sârohec ezo

³⁷ Judanji jage homban botâŋne getaraniŋte tutuman sâko ehuc ŋehapie Jesuzi faharerâ domahuc dâŋ wiwic jaha ziŋuc muwec: "Moc e opâre hâmokacko norao warerâ nâzejec. ³⁸ Â moc e manasiŋnuhuc juocmu ere

7:21 Joh 5:16 7:22 Fuf 17:10-12; Tah 12:3 7:23 Joh 5:8 7:24 Joh 8:15 7:25 Joh 7:19
7:27 Joh 7:41 7:29 Mat 11:27 7:30 Joh 8:20; 13:1; Luk 22:53 7:31 Joh 8:30; 10:42; 11:45;
12:42 7:33 Joh 13:33 7:34 Joh 8:21; 13:36; 17:24 7:37 Joh 4:10, 14; Tah 23:36
7:38 Jes 44:3; 55:1; 58:11; Ezek 47:1, 12; 3ek 13:1; 14:8; Joe 2:28; 3:18

bumaŋkonec opâ sâro fifisine wahahuc domaocmu. Miti papiao dâŋ iguc hâcne qâreŋkekiecne.” ³⁹ Jesu manasiŋkembij jaŋe Mâro biŋe qajarehuc iguc muwec. Jesu e damen ira sambân eri tatamac-ticnere maŋnao mi risie fewecte Mâro mî wahawec. ⁴⁰ Ŋic jaŋe dâŋ i manarâ Jesure ziŋuc mumbij: “E jâmbomac porofete sâko-nâŋec.” ⁴¹ Â gâcnezi mumbij, “E Kristo jâmbân.” Mupie tucnezi qatararâ mumbij, “Wiac Kristo e wemocko Galilaia mâreŋkonec fuaocmu. ⁴² Tiri Papiao dâŋ ziŋuc mukicne: Kristo e Dawidire haefuŋ Betelehem ira oso gitecfâc-ticne jaŋere ŋondengkonec fuaocmu.” ⁴³ Ŋic jaŋe Jesure iguc muhuc fâuckembij. ⁴⁴ Eme gâcnezi kâpâcwârû baniŋte murâ mejeŋic mâckeme behembij.

Jesu kâpâcwârû baniŋte eipierâ behembij

⁴⁵ Eme momori jaŋe taha bapa micne â farisaio jaŋerao risiepie wio-jarerâ mumbij: “Ŋoŋe wemocte mi rorâ bawarenggopien?” ⁴⁶ Wiopie momori jaŋe mumbij, “E dâŋ muckac; igucne ŋic gâcnezi mumune mi fokac.” ⁴⁷ Mupie farisaio ŋic jaŋe ziŋuc jazambij: “Me, ŋoŋe iguc jaha maŋ bâsifuc enjarejec?” ⁴⁸ Soŋaŋ kâcŋene â farisaio ŋic nâŋeraonec moczi erao moc qohotac me? ⁴⁹ I aricne i, ŋic omane guru, sâcmutâc dâŋ mi mamana jaŋe sawa, hârâcte biŋe jaŋe hâcne.” ⁵⁰ Eme âgo-jeŋic moc Nikodemo, mârâc Jesu iqickewec, eki ine ziŋuc jazawec: ⁵¹ “Ŋoŋe munij, ŋic moc fuŋne-ticne mi manahuc â kiŋticne mi honehuc okacnere dâŋ mâc mumutarane, iguc ezore sâcmutâc papia-nâŋecko moc qâreŋkekiecne fokac me?” ⁵² Eme âgofâcne jaŋe ziŋuc mumbij: “Eme go iguc jaha Galilaia mâreŋkonec me? Wose gufuc eku ziŋuc manacmu: Galilaia mâreŋkonec porofete fufuane mi fokac.” [⁵³ Eme jaŋe râwiŋnerâ ficjeŋic sâc rafârembij.

Ŋokac sâqocne moc Jesurao barambij

8 Jesu e Oliwa tikio fewec. ¹ Hae fureme irecneç risierâ taha ufunŋko feme ŋic jaŋe erao mâreteç tumagnembij. Eme ira ŋehuc miti jaza qazuc ewec. ² Ehame miti qaqazu â farisaio ŋic jaŋe ŋokac moc boe sau ehuc juhame bâfuakicne e Jesurao bararâ ³ mumbij, “Qaqazu, ŋokac keczi boe sau ehuc juhame bâfuakicne. ⁴ Eme Mose e ŋokac igucne qânâzi hehâmoc-jopazore sâcmutâc dâŋko munârewec. Gahac ine weniguc mukic?” ⁵ I mâc esâickepie dâŋ iguc me iguc mume dâŋko râneniŋte fec-nehuc mumbij. Mupie Jesu e daperâ mâreŋko mezi qâreŋkewec. ⁷ Qâreŋkeham wiocnerâ wiocne epie qâhâŋnerâ ziŋuc jazawec: “Ŋoŋeraonec moc bahac tâmiric juekaczi fuŋkerâ qânâzi heme henzeŋien.” ⁸ Iguc murâ mocwâc daperâ mâreŋko-qâreŋkewec. ⁹ Ehame jaŋe dâŋticne manarâ mic-nezi bânieme moc moc raku rafârembij. Eme ŋokac e Jesure maŋfuŋko buc domame, ¹⁰ Jesuzi qâhâŋnerâ wiocnerâ muwec: “Ŋokac, jaŋe wena? Moczi moc okacnere dâŋ mi mugarejec me?” ¹¹ Eme ŋokazi muwec,

7:39 Joh 16:7; Kor II, 3:17 7:40 Joh 6:14; Sâc 18:15 7:41 Joh 1:46 7:42 Sam II, 7:12; Mik 5:2;
Mat 2:5; 6; 22:42; Mi Mâ 89:3 7:43 Joh 9:16 7:44 Joh 7:30 7:45 Joh 7:32 7:46 Mat 7:28, 29
7:48 Joh 12:42 7:50 Joh 3:1, 2 7:51 Sâc 1:16, 17; 19:15 7:52 Joh 1:46; 7:41 8:1 Luk 21:37
8:5 Tah 20:10; Sâc 22:22-24; Mat 22:15 8:7 Sâc 17:7 8:9 Mat 22:22; Rom 2:22 8:11 Joh 5:14

"Wofuŋ, aricne." Mume muwec, "Eme noni iguc jaha okacnere dân mi mugarepemu. Go mât ra juhuc sâqocne mocwâc mi bazemec."]

Jesu e fuŋne-ticne mutaniŋke-jarewec

¹² Eme Jesuzi ŋic dân moc zīguc zuhuckerâ jazawec: "No mâreŋ sâc ŋic ŋogere zocnamac. Eme moc e no bâjâpecnuocmuzi dapâcko mi rahuc juocmu. E jujure tatamac focnehamac juocmu." ¹³ Iguc mume farisaio ŋic jaje zīguc âzâcnembiŋ: "Zi go gahac fuŋnege mutaniŋkecomec, i manapene fârine mi ekac." ¹⁴ Mupie Jesuzi zīguc jazawec: "No nahac fuŋne-nane mutaniŋkepe irec fârimâc mi eekac. No wenirec warepo â wena rapemu irec fuŋne manahuc dân muekopac. Ŋoŋe ine irec â irec mâmâc kâuc baengopieŋ. ¹⁵ Ŋoŋe fuŋne riritu gie baengopieŋ i sasahac eekac. No ine fuŋne riritu gie mi baekopac. ¹⁶ Me fuŋne riritu gie bapemu ine fârinehec eocmu. No fuŋne riritu gie buc bapane mi fokac. Mamac sorecnuwec eki baficnume bapane fokac. ¹⁷ Eme sâcmutâc dânŋenicko kecziŋuc fokac: 'Ŋic jajaheczî mocte fuŋne ritûpire fârine muzu.' ¹⁸ Eme no fuŋne-nane mutaniŋkehape Mamac sorecnuwec eki iguc jaha mutaniŋkeekac." ¹⁹ Dân iguc jazame wiocnerâ mumbiŋ, "Mamacge wena?" Eme zīguc jazawec: "Ŋoŋe no mi mana taracnuhuc Mamac-nane iguc jaha mi mana taraengopieŋ, no mana taracnurâ muzac, Mamac-nane iguc jaha mana taranzapiŋ." ²⁰ Jesu e ufūŋko taha katapa ŋewec magne ira miti jaza qazuc ehuc dân i muwec. Eme dameŋ-ticne mi maickewecte wemocko afeckerâ kâpâcwârû banzapiŋ.

Ŋiczi . mâreŋkonec, Jesuzi sambânkonec

²¹ Eme Jesu e harierâ zīguc jazawec: "No beheç-ŋopa rape ŋoŋe basac-nurâ sâqocne-ŋeŋichec juku hâmoniŋmu. No ra jupemu ira wemocko fâniŋmu." ²² Iguc mume Judagiç jaje mumbiŋ, "'No ra jupemu ira wemocko fâniŋmu', iguc wemocte mukac? Sahac-ticne qarâ hâmoocce mukac me weniguc?" ²³ Eme Jesuzi zīguc jazawec: "Ŋoŋe juwickonec, no faickonec, ŋoŋe mâreŋkonec, no mâreŋkonec mâcne. ²⁴ No irec hâcne ŋazakopac: Ŋoŋe sâqocne-ŋeŋichec juku hâmoniŋmu. No jukopac zi fuŋne-nane ŋazækopac i mi mana zakienigmuo, sâqocne-ŋeŋic foŋarehamac hâmoniŋmu hâcne." ²⁵ Mume wiocnerâ mumbiŋ, "Eme go mo?" Mupie Jesuzi jazawec, "Ŋazækopac i jâmbân hâcne. ²⁶ No ŋogere bahac â kiŋdân bocjaha bajuekopac. Sorecnuwec eki dân fârine muekac, eme noni micticnaonec manapo ijaha zira mâreŋko mufuaekopac." ²⁷ Mamac-ticnere iguc jazame jaje mi mana tarambiŋ. ²⁸ Ireç Jesuzi zuhuckerâ zīguc jazawec: "Ŋoŋe Ŋic Fâri Wâtūŋne bâfeŋnerâ fuŋne-ticne mana taraniŋmu. Erâ no nahacne magte wiac mi eekopac, Mamaczi qazu-narewec dân ijaha muekopac, i wâc mana taraniŋmu. ²⁹ Sorecnuwec e nohec juekac. No dameŋ sâc wiac epe bape maname biankeekacte no mi behecnuekac."

8:12 Jes 49:6; Joh 1:5, 9; 12:46 8:14 Joh 5:31 8:15 Joh 7:24; 12:47 8:16 Joh 8:29

8:17 Sâc 17:6; 19:15 8:18 Joh 1, 5:9 8:19 Joh 14:7 8:20 Joh 7:30; 13:1; Luk 22:53

8:21 Joh 7:34; 13:33 8:22 Joh 7:35 8:23 Joh 3:31 8:25 Joh 8:14 8:26 Joh 8:38; 12:49

8:28 Joh 3:14; 12:32 8:29 Joh 8:16; Mat 27:46

Sâqocne bahuc irec kiŋaŋ qaqa ezo

³⁰ Dâŋ iŋuc mume ɲic bocjahazi manasiŋkembiŋ. ³¹ Eme e manasiŋkembiŋ Judanɲic jaŋe hâcne ɰiŋuc jazawec: "Ŋoŋe nore dâŋko juhuc ine motec funfunfâc-nane eniŋmu. ³² Eme nore dâŋ fâri qizecne mana tarapie izi batarac-ŋopame niŋgiŋ tâmiric sâcne erâ juniŋmu." ³³ Mume dâŋ ɰiŋuc bâtikiecnembiŋ: "Nâŋe Abrahamte qâricfâc, mozi mo kiŋaŋ qaqaqâc-ticne baçnâporâ niŋgiŋ-nâpowecte go ɰiŋuc mukomec: 'Niŋgiŋ tâmiric eniŋmu?'" ³⁴ Eme Jesuzi ɰiŋuc jazawec: "No jâmbomac jâmbân ɲazakopac, moc e sâqocne baocmuzi sâqocnere kiŋaŋ qaqa eocmu. ³⁵ Kiŋaŋ qaqazi bombon-ticnere fic haeoa hati mi jurâ ju eocmu, ɲokâzi ine mamac-ticnere fic haeo hati jurazihuc juocmu. ³⁶ Ireç Ŋokâ eki firuec-ŋopame ɲoŋe jâmbomac niŋgiŋ tâmiric juniŋmu.

Jesure dâŋ qikiŋnerâ Sataŋte ɲic ezo

³⁷ "Ŋoŋe Abrahamte qâricfâc, i noni manakopac. Eme ɲoŋe ine dâŋna-nezi ɲoŋerao hesowariekacte qâhâmocnuzo mungopieŋ. ³⁸ No Mamac-nanerao wiac honehuc juo irec hâcne muekopac, â ɲoŋe ine ɲaŋacne mamactaonec wiac manambiŋ i eengopieŋ." ³⁹ Mume ɰiŋuc âzâcnembiŋ: "Nâŋe mamac-nâŋec Abraham." Eme Jesuzi ɰiŋuc jazawec: "Ŋoŋe Abrahamte qâricfâc jurâ muzac e hawari enzapiŋ. ⁴⁰ Anuturao dâŋ fâri qizecne manapo i ɲazaekopac, ehame ɲoŋe nuzo mungopieŋ. Wiac iŋucne Abrahamzi mi ewec: ⁴¹ Ŋoŋe ine ɲaŋacne maŋte hata âteengopieŋ." Eme jaŋe mumbiŋ, "Nâŋe fiuckonec mi fuamben, Anutu e Mamac-nâŋec mocjaha." ⁴² Mupie Jesuzi ɰiŋuc jazawec: "Mamac-ɲeŋic Anutu eme muzac, no âgo enarenzapiŋ. No Anuturaonec hâcne wahapo, no nahacne maŋte mi wahapo, eki soreçnume wahapo. ⁴³ Weniguc erâ jupie dâŋnanezi maŋŋeŋicoko mi huekac? No dâŋ mupe ɲoŋe hazec afec mi manaengopieŋ irec hâcne. ⁴⁴ Ŋoŋe mamac-ɲeŋic Sataŋ, eme ere qafenŋo wiac eengopieŋ. E mârâc jaha ɲic sisipiric juweczi juwareekac. E dâŋ fâri qizecne râpeckewecte maŋticnao jâmbomac dâŋ moc mi fokac. E bureczi nânâ opâ-ticne ewec. E burecŋic â burecte mamac. ⁴⁵ No ine dâŋ fâri qizecne ɲazaekopacte dâŋnane qikiŋneengopieŋ. ⁴⁶ Ŋoŋeraonec moczi sâcne nore bahac moc muocmu? Eme no sâc iŋucnezi dâŋ fâri qizecne ɲazape wemocte mi mana zakieengopieŋ? ⁴⁷ Moc e Anutire biŋe juocmuzi dâŋticne manaocmu. Ŋoŋe Anutire biŋe mi juengopieŋte dâŋticne qikiŋneengopieŋ."

Jesure dâŋ bajuhuc hâmoc sanaŋ mi maickezo

⁴⁸ Mume Judanɲic jaŋe dâŋ ɰiŋuc bâtikiecnembiŋ: "Wiac wemo muengopeneŋ, go Samaria ɲic, go demonzi egareekac." ⁴⁹ Eme Jesuzi ɰiŋuc jazawec: "No demonzi mi enareekac, no Mamac-nane sâseekopac, ɲoŋe ine no ba jawa enareengopieŋ. ⁵⁰ No ɰâŋe biŋe-nanere manabâc erâ mi ɲazakopac. ɰâŋe biŋe-nane hewirickerâ irec dâŋne mumu ine mocte gie.

8:30 Joh 7:31; 10:42; 12:11 8:33 Mat 3:9; Neh 9:36 8:34 Rom 6:16, 20; Joh I, 3:8 8:35 Gal 4:30
8:36 Rom 6:18, 22 8:39 Mat 3:9 8:41 Fuf 3:15; Sâc 23:2 8:42 Joh I, 5:1 8:43 Joh 12:39;
Mat 12:34; Rom 8:7 8:44 Joh I, 3:8-10; Fuf 3:4; Pet II, 2:4 8:45 Luk 22:67 8:46 Kor II, 5:21;
Pet I, 2:22 8:47 Joh 18:37; Joh I, 4:6 8:48 Joh 7:20; Mar 3:21 8:50 Joh 5:41

⁵¹ No jâmbomac jâmbân gazape mananiŋ: Moc e nore dân bajuocmuzi hâmoc moc mi maicke-jâmbânkeocmu." ⁵² Iguc mume Judaniŋ jaje kec-ziŋuc mumbiŋ: "Demonŋi egareekac, i jâmbomac, Abraham hâmowec, â porofete jaje iguc jaha hâmombiŋ, ehame go ziŋuc mukic: 'Moc e nore dân bajuocmuzi hâmoc moc mi maickeocmu.' " ⁵³ Mamac-nâŋec Abraham e sâkozi hâmowec, eme go ere sâc jâuruzo mukomec? Â porofete jaje iguc jaha wâc hâmombiŋ. Go wemocte sahacge boc bafekomec?" ⁵⁴ Mupie Jesuzi ziŋuc jazawec: "No nahac sahac-nane bafepe mi sâckeocmu. Mamac-nane jukac, e Anutu-nâŋec mucneenggopien, eki ine muafecnuekac. ⁵⁵ Ŋoŋe e mi mana taraenggopien, no ine mâna taraekopac. Irec no weniguc mi mana tarakopac mupemu. I mupe burec eme ŋogere sâc ezapo. Aricne, no mana tarahuc dânŋicne bajuekopac. ⁵⁶ Mamac-ŋenŋic Abraham e nore zâfo maickeme honeocte agac sâko bajuwec. Erâ juku maickeme honerâ zeri ewec." ⁵⁷ Iguc mume Judaniŋ jaje mumbiŋ, "Go jarage 50 mi bazumenŋi Abraham honemenŋ me?" ⁵⁸ Mupie Jesuzi jazawec: "No jâmbomac jâmbân gazape: No Abraham mi luarâ juhame jupozi jukopac." ⁵⁹ Iguc mume qânâ rorâ hezo epie e fosiroŋnerâ taha ufuŋkonec wahawec.

Ŋic zâŋe tiŋtun moc ere dân

9 Jesu e hata rahuc ŋic moc nengoc bumaŋkonec tiŋtun fuakicne e bâfuawec. ² Eme motecfâcne jaje wiocnerâ mumbiŋ, "Qaqazu, more kiŋte tiŋtun fuawec, e jahacne me nengoc mamac jahere?" ³ Mupie Jesuzi ziŋuc jazawec: "Irec aricne, e jahacne kiŋte me nengoc mamac jahere kiŋte mâcne, Anutu tâpiri-ticnere fuŋne erao tanigkeocte iguc fuawec. ⁴ Nâŋâc sorecnuwec ere gie zoaŋkoa bahuc junzepenenŋ, ŋafe fuame gie bapane arictac eocmu. ⁵ No mâreŋko jupemu sâc zoctamac-nanezi âke tamae-ŋareocmu." ⁶ Iguc murâ mâreŋko tâfeckerâ afe jârickerâ ŋic tiŋtun zâŋene ruacnerâ ⁷ ziŋuc muhuc sorewec: "Go rarâ Siloam riqicko wânâŋge zurec." (Siloam i nâŋâcne dânko sorekicne.) Eme ŋic e rarâ sahac-ticne zurehuc zâŋe fitâcnewec. ⁸ Iguc erâ risieme âgofâc-ticne jaje, â nânâre numu-jarehuc juwec ŋic i jaje mâmâc honerâ wiwioc erâ mumbiŋ: "Nânâre numu-nârehuc ŋeŋerâ juekac e hâcne me?" ⁹ Eme tucnezi mumbiŋ, "Ine hâcne." Â tucnezi mumbiŋ, "Aricne, e tinac moc." Iguc mupie e jahac muwec, "No hâcne zi." ¹⁰ Eme wiocnerâ mumbiŋ, "Weniguc erâ zâŋe fitâcnekomec?" ¹¹ Eme jazawec, "Ŋic moc zâŋene Jesu eki afe jârickerâ zâŋe-nane ruacnerâ ziŋuc nazajec: 'Go. Siloam riqicko rarâ sahacge zurec.' Eme no. rarâ sahac-nane zurerâ zâŋe fifi epac." ¹² Iguc mume wiocnerâ mumbiŋ, "Ŋic e wena jukac?" Eme muwec, "No mi manakopac."

Farisaio ŋic jaje ŋic tiŋtun ere dân mumbiŋ

¹³ Eme ŋic tiŋtun ecnewec e farisaio jaŋerao jowa rambiŋ. ¹⁴ Eme Jesuzi afe jârickerâ zâŋene bâtâcnewec i sabata hombaŋko ewec. ¹⁵ Eme farisaio ŋic jaje iguc jaha wiocnerâ mumbiŋ, "Go weniguc erâ zâŋe fifi emec?" Mupie ziŋuc jazawec: "E zâŋe-nane afe ruacneme no ra sahac-nane zurerâ

zâŋe fifi epac.” ¹⁶ Eme farisaio jaŋeraonec gâcnezi mumbiŋ, “Ŋic e Anuturaonec aricne, e hombaŋ-nâŋec qâsuakac.” Gâcnezi ine mumbiŋ, “E hehesic juhuc muzac mâsi igucne wemocko bazac.” Iguc muhuc qaqatarac embiŋ. ¹⁷ Ehuc ŋic tiŋtuŋ ecnewec e indinŋerâ mumbiŋ, “Zâŋege bâtâcnejec, gahac ere weniguc mukic?” Eme muwec, “E porofete.”

¹⁸ Eme Judaŋic jaŋe ŋic e jâmbomac zâŋe tiŋtuŋ juku zâŋe fifi ejec, iguc muhuc manjahec erâ nengoc mamac jahec-ticne hefârec-jofarâ ¹⁹ wio-jacterâ mumbiŋ: “Ŋokâ-ŋekic tiŋtuŋ fuawec mukopirec zine hâcne? E weniguc erâ zâŋe fifi ejec?” ²⁰ Eme nengoc mamac jahecne ziguŋ mupic: “E ŋokâ-nâhec, i manakoperec, â tiŋtuŋ fuawec, i wâc manakoperec. ²¹ Erâ weniguc erâ zâŋe fifi ejec, me mozi zâŋene bâtâcnejec, ine mi manakoperec. Wiac e soka-fâreŋicne, irec e jahacne wiocnepie fuŋne-ticne ŋazaoc.” ²² I Judaŋic jaŋere hâwic-jofame iguc mupic. Jaŋe dâŋ ziguŋ mujomirembiŋ: “Moc e Jesure Kristo mume miti sakarecnenzepeneŋ.” ²³ Irec hâcne nengoc mamac jahec-ticne hâwic-jofame ziguŋ mupic: “E soka tarakicnere e jahacne wiocneniŋ.”

²⁴ Eme ŋic zâŋe tiŋtuŋ ecnewec e mocwâc hefârerâ ziguŋ âzâcnembiŋ: “Go Anutu mutenkehuc dâŋenŋaŋ, nâŋe ŋic ere fuŋne manangopenenŋ, e hehesicne.” ²⁵ Mupie ziguŋ jazawec: “E ŋic hehesicne me mâcne, i mi manakopac. Â tiŋtuŋ juŋozi zâŋe fifi epac, ine mana-jâmbângekopac.” ²⁶ Mume harierâ wiocnembiŋ, “Weniŋuc egarejec, weniŋuc erâ zâŋege bâtâcnejec?” ²⁷ Mupie ziguŋ jazawec: “No ŋazapac i, ŋoŋe ine mi manambienŋ; wemocte hâsine ŋazape mananiŋte mungopieŋ? Ŋoŋe motecfâcne ezo muggopieŋ me?” ²⁸ Iguc mume haneckerâ mumbiŋ, “Go hâcne motec-ticne, nâŋe ine Mosere motecfâc. ²⁹ Mose e Anutuzi dâŋ âzâcnewec, i manangopenenŋ, â ŋic e irec me irec luarâ warewec ine mi manangopenenŋ.” ³⁰ Mupie ŋiczi dâŋ ziguŋ bâtikie-jarewec: “Zâŋe-nane bâtâcnejec ere fufuare kâuc bapie warec-ŋopakopac. ³¹ Nâŋâc kecziŋuc manaen-gopenenŋ: Anutu e ŋic hehesicne mi bafic-jopaekac, moc e araŋ bacnehuc micne regkeme bafickeocmu. ³² Â ŋic moczi tiŋtuŋ fuakicne moc zâŋe fifi bawec, biŋe igucne mâreŋ fufuaonecteaŋ moc mi mana wefukicne. ³³ Irec ŋic e Anuturaonec mi waharâ muzac, gie igucne wemocko bazac.” ³⁴ Mume ziguŋ âzâcnembiŋ: “Sâqoc qaqocneŋ fuakicne go igucnezi miti qazu-nârekomec me?” Iguc murâ tuŋkembiŋ.

Jesu mi manasiŋkehuc maŋ tiŋtuŋ juzo

³⁵ Tuŋkepie Jesuzi manawec. Erâ bâfuârâ wiocnerâ muwec, “Go Ŋic Fâri Wâtuŋne e manasiŋkekomec?” ³⁶ Eme ŋiczi muwec, “Wofuŋ go mukomec e mo? Nowatutec hone tararâ manasiŋkepe.” ³⁷ Mume Jesuzi ziguŋ âzâcnewec: “Â go honemec, dâŋ gazakopac no hâcne ine.” ³⁸ Eme ŋiczi muwec, “Wofuŋ, no manasiŋgukopac”, iguc murâ kikefuŋnao fodapewec. ³⁹ Eme Jesuzi muwec, “No ŋic fuŋne-ŋeŋic bajangenŋkepemurâ mâreŋko wahapo. Eme irec tiŋtuŋzi zâŋe fifi enzepieŋ â zâŋe fifizi tiŋtuŋ enzepieŋ.” ⁴⁰ Iguc mume farisaio ŋic mâmâc domambiŋ jaŋe manarâ mumbiŋ, “Â nâŋe

9:16 Joh 3:2; 7:43; 9:31, 33 9:17 Joh 4:19 9:22 Joh 7:13; 12:42; 16:2 9:24 Jos 7:19
 9:31 Jes 1:15; Muq 15:29; Apo 10:35 9:33 Joh 9:16 9:34 Joh 9:2; Mi Mâ 51:5 9:37 Joh 4:26;
 10:25 9:39 Mat 13:11-15 9:40 Mat 15:14; 23:26

tingun me?" "Mupie Jesuzi jazawec: "Ŋoge tingun jurâ muzac kiŋ tâmiric enzapiŋ. Ŋaŋac muengopieŋ, 'Nâŋe zâŋe fifi', irec kiŋ foŋareocmu."

Lama jaŋe soŋaŋ-jeŋicte dâŋ manaengopieŋ

10 Jesuzi dâŋ ziŋuc muwec: "No jâmbomac jâmbân ŋazape mananiŋ, moc e lama jaŋere sapao feocte motâcko mi razihuc mocko sac huckerâ huocmu, ere fiuc roro â soron qaqa muzo. ²Moc e motâcko razirâ feocmu, ere ine lama soŋaŋ-jeŋic muzo. ³E fisime motâc soŋaŋzi honerâ motâc rocneocmu â lama jaŋe dâŋ hawari-ticne mananiŋmu. Eme lamafâc-ticne jaŋere zâŋe wirahuc sapaonec jowac-jopa wahaocmu. ⁴E jahacne biŋefâc jowac-jopa-fâreme waharâ, dâŋ hawari-ticne manaengopieŋte bâjâpeniŋmu. ⁵Ŋic furune moc e ine mi bâjâpeniŋmu, e dâŋ hawari-ticne kâuc bahuc hâhâwic bacnerâ wiseniŋmu." ⁶Jesu e dâŋ suŋsuŋne iŋuc mume jaŋe wenigucte iŋuc mukac muhuc kâuc bambiŋ.

Jesu e motâc

⁷Eme Jesu e harierâ jazawec, "Jâmbomac jâmbân ŋazape mananiŋ, lama jaŋerao fefe irec motâc no. ⁸No mi fuahape fuambiŋ jaŋe ine fiuc roro â soron qaqa. Irec lama jaŋe dâŋjeŋic mi manambiŋ. ⁹Motâc no hâcne. Moc e fotâcnurâ raziocmu, e mi sipirickeocmu. E razic wefuc ehuc nânâ mâriri bâfuaocmu. ¹⁰Fiuc roro e lama qa sipiric erâ fiuc bawiseocte sawa fisiekac. No ine lama jaŋe juhâc qâhâmoniŋte nânâ bâfuaŋe qanqan qâriaŋ fojareocte fiŋipo.

Jesu e soŋaŋ biagne

¹¹"No soŋaŋ biagne. Soŋaŋ biagnezi lama jaŋere erâ juju-ticne qikiŋ-neocmu. ¹²Soŋaŋ jabane, lama rujeŋic mi juekaczi ine kâte qâto fisime honerâ lama beheç-joparâ wiseocmu. Ehamè kâte qâtozi lama ki bâtâtieç ejareocmu. ¹³E soŋaŋ jabanere lama jaŋere manabâc mi eocmu. ¹⁴No ine soŋaŋ biagne juekopac, eme Mamac â no hohonec mamanaç eekopereç, ¹⁵irec sâcko no â gurufâc-nane hohonec mamanaç eengopeneŋ. Irec no lama jaŋere erâ juju-nane qikiŋnepemu. ¹⁶No lamafâc-nane guru moc juŋgopieŋ, jaŋe sapa zirecneç mâcne, eme no jaŋe wâc mâmâc amec-jopa warepe dâŋnane mananiŋmu. Eme lamazi guru mocjaha â soŋaŋzi wâc mocjaha iŋuc fuaocmu. ¹⁷No juju-nane qikiŋnerâ mocwâc ropemu, irec Mamaczi nore ecneekac. ¹⁸Juju-nane moczi mi nowac roocmu, i no nahacne manŋte qikiŋnepemu. No juju-nane qikiŋnepemurâ â ropemurâ irec tâpiri mâmâc fonarekac. Iŋuc epemurâ Mamac-nanezi munarewec."

¹⁹Jesu e dâŋ iŋuc mume Judaŋic jaŋe manarâ mocwâc mu qaqatarac

9:41 Muq 26:12 10:5 Joh 10:27 10:6 Joh 16:25 10:7 Mi Mâ 118:20; Joh 14:6; Mat 7:13, 14
 10:8 Jer 23:1, 2 10:9 Mi Mâ 118:20; Joh 14:6; Kor I, 3:15 10:11 Mi Mâ 23:1; Luk 15:4-7
 10:12 Jes 40:11; Ezek 34:11-23; 37:24; Joh 15:13; Mat 10:16; Apo 20:29; Tit 1:11; Pet I, 5:2, 3
 10:14 Tim II, 2:19 10:15 Mat 11:27 10:16 Ezek 37:24; 34:23; Joh 11:52; Pet I, 2:25; Efe 4:5
 10:17 Fil 2:8, 9 10:18 Joh 5:26; 19:11 10:19 Joh 7:43; 9:16

embiŋ. ²⁰ Ehuc bocjahazi zīguc mumbiŋ: "E demonŋzi ecneme maŋne sifuc-kekac, dāŋ mume wemocte manahuc jūŋgopieŋ." ²¹ Gācnezi ine zīguc mumbiŋ: "Demonŋheczi dāŋ iŋucne mi muocmu, me demonŋ moczi ŋic tiŋtūŋ jaŋere zāŋe sācne bātācneocmu me?"

Jesure meonec lamafācne babatarac-jopane mi fokac

²² Judāŋic taha ufūŋ jambūŋkembīŋ irec jara hombaŋ i māmātenŋ damenŋko maickeme ²³ Jesu e taha ufūŋ irec maŋne moc zāŋene Salomo ira rac warec ehuc juhame ²⁴ Judāŋic jaŋe orāŋkerā zīguc muhuc āzācnembīŋ: "Go wemocte fuŋnege hesoŋketec maŋjahec boc eegopenenŋ? Go Kristo jukomecko mutanīŋkerā nāzāc me!" ²⁵ Eme Jesuzi zīguc jazawec: "No ŋazape mi mana zakieengopieŋ. Mamac-nanere micte gie baekopac izi mutanīŋnuekac. ²⁶ Ā ŋoŋe ine lamafāc-nane mi erā jūŋgopieŋte dāŋnane mi mana zakieengopieŋ. ²⁷ Lamafāc-nane erā jūŋgopieŋ jaŋe dāŋnane manaengopieŋ. Eme noni mana tarac-jopahape bājāpecnuengopieŋ. ²⁸ Eme juju sanaŋ bāfua-jarepe sisipiric tāmīric juraŋihuc jūnīŋmu. Jaŋe nore meonec moczi babatarac-jopane mi fokac. ²⁹ Mamac-nanezi norao rāec-jopawec e ŋic ā wiac sasawa qāhuc-jopa-fārekac. Eme jaŋe moczi Mamac-nanere meonec sācne mi batarac-jopaocmu. ³⁰ No ā Mamac nāhe mocjaha."

Jesu e Judāŋic gie-ticnere jazawec

³¹ Iŋuc mume Judāŋic jaŋe qānā ameckerā hezo embīŋ. ³² Iŋuc epie Jesuzi zīguc jazawec: "Gie bianne fuŋne fuŋne Mamacte ŋesīŋko bape honembieŋ, eme ŋoŋe wenimo irec qānāzi hecnuzo engopieŋ?" ³³ Eme Judāŋic jaŋe micnao rorā zīguc āzācnembīŋ: "Gie bianne baekic irec mācne, go ŋic jaha juekiczi Anutu ākehockehuc gahacnere Anutu muekic, irec qānāzi hecguzo mūŋgopenenŋ." ³⁴ Iŋuc mupie Jesuzi zīguc jazawec: "Sācmutāc dāŋŋeŋicko zīguc mukicne: 'Noni mupo, ŋoŋe nemu'.* ³⁵ Eme mitire dāŋqāreŋ i āke sipuhuc moc mumune mi fokac. Erā Anutūre dāŋ fua-jare jujec iŋucne mac jaŋe nemu mujarewec. ³⁶ Ehame zi ine no Mamaczi mutiricnūrā sorecnume wahapozi 'no Anutūre ŋokā' iŋuc mupe ŋoŋe wemocte mūŋgopieŋ, 'Go Anutu ākehockekic'? ³⁷ Gie baekopac i honepie Mamac-nanere sāc mi eekacko dāŋnane qikīŋnepie sāckeocmu. ³⁸ Me honepie Mamac-nanere sāc eekacko ine dāŋnanere mācne, gie bapa-nanere erā zāŋitacnūŋzepieŋ, ehuc Mamaczi no maŋnuekac ā noni Mamac maŋkeekopac irec fuŋne mana taranŋzepieŋ." ³⁹ Iŋuc mume kāpāc-wāru bazo ehuc bārucnepie rawec.

⁴⁰ Eme Jesu e Jordāŋ-opā ocniŋucnao Johanezi mārāc fuŋkerā ŋic opā rua-jare jujecko ra juwec. ⁴¹ Ira juhame ŋic bocjahazi erao fisirā dāŋ zīguc mumbiŋ: "Johane e māsī bapa i mi bawec, ā ŋic kecziŋec dāŋ muwec ine fidetenŋ efārekac." ⁴² Eme mārēŋ ira bocjahazi Jesu manasiŋkembīŋ.

10:20 Joh 7:20; 8:48; Mar 3:21 10:23 Apo 3:11; 5:12 10:24 Luk 22:67 10:25 Joh 4:26; 5:36; 9:37 10:26 Joh 6:64; 8:45 10:27 Joh 8:47; 10:3, 4 10:28 Joh 5:28; 6:39; 17:12; 18:9
10:31 Joh 8:59 10:33 Joh 5:18; Mat 26:65 10:34 Mi Mā 82:6 10:35 Mat 5:17, 18
10:36 Joh 5:17-20 10:39 Joh 8:59; Luk 4:30 10:40 Joh 1:28 10:42 Joh 8:30

Lazaro hâmwec

11 Betania haeo ɲic moc juwec zâgene Lazaro, e huc bame fowec. Maria â Mata jahe hahac qozi hae irectear. ² Maria eki hâcne Wofuɲ opâ âsu bian ruacnerâ qizec susuc-ticnezi kikene bâkerekewec. Qaticne Lazaro hâcne huc fowec. ³ Eme jahe hahac qozi Jesurao dâɲ kecziɲuc muhuc râepire rawec: "Wofuɲ go manac, âgoge huc fokac." ⁴ Eme Jesuzi biɲe manarâ ziɲuc muwec: "Huc irec fârine hâmoc fuaocte mâcne, Anuture mumuteɲ fuaocte mukicne. Anutu ɲokâ-ticne ere sambân qâreɲ fua taniɲ-keocte hâcne."

⁵ Mata â qoticne â Lazaro jaɲere Jesuzi ecnewec. ⁶ Eme hucte biɲe manarâ juweckoa gie bapa jajahec mocwâc juwec. ⁷ Iɲuc jurâ motecfâcne ziɲuc jazawec: "Warepie Judaia mâreɲko risie ranaɲ." ⁸ Mume motecfâcne jaɲe ziɲuc âzâcnembiɲ: "Qaqazu, Judaɲic jaɲe juc bânic moc ira qânâzi hecguzo mumbiɲ, eme zi wemocte jaɲerao mocwâc risiezo mukic?" ⁹ Mupie Jesuzi ziɲuc jazawec: "Gie bapa dameɲ aua 12 fokac i! Moc e zoaɲko hata rahame wiac moczi he âkec mi ecneocmu, e tatamacko wiac sâcne honeocmu. ¹⁰ Moc e ɲafeo tatamac basahuc hata rahame ine he âkec ecneocmu." ¹¹ Iɲuc murâ dâɲ moc ziɲuc zuhuckewec: "Âgo-nâɲec Lazaro guɲ fokac, eme no rarâ wiwickepemu." ¹² Eme motec jaɲe ziɲuc mumbiɲ: "Wofuɲ, guɲ fohuc biankeocmu." ¹³ Jesu e hâmocte dâɲ sunsugne mume jaɲe guɲ jâmbâɲte mukac muhuc mi mana-hâmombiɲ. ¹⁴ Irec Jesuzi muqa-qackerâ jazawec, "Lazaro hâmojec. ¹⁵ No ira mi ra juhape hâmojecte ɲogere erâ bunane biankekac, ɲogere mamanaɲi fârihec eniɲte wiac i fuajec. Zi ine erao ranaɲ." ¹⁶ Eme Toma, zâgene moc Didimo, eki motec âgofâcne ziɲuc jazawec: "Nâɲac mâmâc rarâ ehac hâmonzepeneɲ."

Jesu e qâqâre â juju rune

¹⁷ Lazaro zâɲeruɲko fohame zoaɲ gie bapa jahec â jahec ehame Jesu ra fisiwec. ¹⁸ Betania hae i Jerusalem hae irec razimicne bemberko ɲewecte ¹⁹ irecnec Judaɲic bocjahazi Mata â Maria qajekic hâmwecte songâɲ fâsâc honec-jofazo rambiɲ. ²⁰ Eme Mata e Jesu fisikac mupie manarâ Maria ficko ɲehame ra hatao bâfuawec. ²¹ Bâfuarâ ziɲuc âzâcnewec: "Wofuɲ, go zira jutec muzac qanane mi hâmozac. ²² Erâ ziɲuczia gore wâc manakopac, wiac irec me irec Anutu numucnetec mana-gareocmu." ²³ Eme Jesuzi ziɲuc âzâcnewec: "Qage qârerâ fahareocmu." ²⁴ Mume Matazi ziɲuc muwec: "Juku dameɲ sâkoo qârerâ fahareocmu i manakopac." ²⁵ Eme Jesuzi ziɲuc âzâcnewec: "Qâqâre â juju rune no, irec moc e no manasiɲnuocmuzi hâmo-bipierâ juocmu, ²⁶ â moc e qâricne juhuc manasiɲnuocmuzi hâhâmo tâmiric jurazihuc juocmu sanaɲ. Go dâɲ i mana zakiekomec?" ²⁷ Eme Matazi muwec: "Go Kristo Anuture ɲokâzi mâreɲko wahaocte mukicne hâcne, i magɲanezi mana zakiekopac."

²⁸ Dâɲ iɲuc murâ qoticne Maria wiracnerâ saɲucko ziɲuc âzâcnewec: "Qaqazu warejec gore mukac." ²⁹ Eme Mariazi manarâ izia faharerâ Jesurao rawec. ³⁰ Jesu e hae upeo Mata dâɲ âzâcneweckoa domawec. ³¹ Eme Maria

11:1 Luk 10:38, 39 11:2 Joh 12:3 11:4 Joh 9:3 11:8 Joh 8:59; 10:31 11:9 Joh 9:4, 5;
 Joh 1, 2:10 11:10 Joh 12:35; Joh 1, 2:11 11:11 Mat 9:24; Luk 8:52 11:16 Mar 10:32; 14:31
 11:21 Joh 3:32 11:24 Joh 5:29; 6:40; Luk 14:14 11:26 Joh 5:24; 8:51 11:27 Joh 6:69
 11:30 Joh 11:20

e biac faharerâ rame Judanjic songgante ficticnao nembij jaje zângerunjo kioocte rakac muhuc bâjâpembij. ³²Eme Maria e hae upeo hurâ Jesu honerâ kikefugnao fodaperâ zinguc âzâcnewec: "Wofun, go zira jutec muzac qanane mi hâmozac." ³³Inguc murâ kiome Judanjic bâjâpembij jaje e bafickerâ mâmâc kiombij. Kiopie Jesuzi honec-joparâ mana hâtâwehuc gâgâmârâwec.

Lazaro bâqârewec

³⁴Inguc erâ wio-jarewec, "Wena duckembij?" Eme jaje mumbij, "Wofun ware honec." ³⁵Eme Jesu zâgene ruruame zâneucne wahawec. ³⁶Eme Judanjic jaje honerâ mumbij, "Honenij, manje ere mo ingucne domawec." ³⁷Â gâcnezi mumbij, "Tigtun moc zâgene bâtâcneweczi njic keczi sâcne mi bâpiangkeme qiqic qazac me?" ³⁸Eme Jesuzi bune mocwâc hâhâtâwehame zângerunjo ra fisiwec. Qângqân e qânâ hawecko fowec, motâcne qânâ kâc-qenezi âke bâzickekicne. ³⁹Irec Jesuzi zinguc muwec: "Qânâ bârârienij." Mume hâmocnere hahac Mata eki muwec: "Wofun, zoan gie bapa jahec â jahec fowecte âsu fikac." ⁴⁰Mume Jesuzi zinguc âzâcnewec: "Dâg gazape mi manamec, go manasignutec Anutu tâpiri-ticnere qâreŋ fuame honecmu." ⁴¹Eme qânâ bârâriepie Jesuzi faic fime fehame zinguc numuwec: "Mamac, go nunumu-nane manamecte dange gazakopac. ⁴²Go nunumu-nane dameŋ sâc manaekic i manakopac. No mâc njic zi doma ran-gopien jaje goki sorecnutec wahapo i manjeniczi mana zakieninte dâg inguc gazakopac." ⁴³Inguc murâ hahagne bahuc wirawec, "Lazaro go wahac." ⁴⁴Mume hâmokicnezi wahawec. Me kikene qoruczi qâfisekicne â zâne maine qoruczi fogkekicne, irec Jesuzi zinguc jazawec: "Qoruc goronkpie raoc."

Jesu e hâmoocite mupaŋkembij

(Mat 26: 1-5; Mar 14: 1-2; Luk 22: 1-2)

⁴⁵Judanjic Mariarao fisimbij jaŋeraonec bocjahazi Jesu wiac eme honerâ e manasinkembij. ⁴⁶Gâcnezi ine farisaio njic jaŋerao rarâ Jesuzi wiac ewec irec dâg binaŋ ejarembij. ⁴⁷Eme taha bapa micne â farisaio njic jaje dâg i manarâ micne bapa hefârec-joparâ zinguc mumbij: "Ŋjic e mâsi bocjaha bakacte wenac enaŋ? ⁴⁸Nâŋâc qâoma ecnehuc juhapene njic jaje erao qohota-fârepie Romanic jaje râsi enârerâ mâreŋ â njic nâwoc rofâreningmu." ⁴⁹Eme jaŋere âgo moc, zâgene Kaifa, jara dameŋ ira taha bapa sâko juwec, eki zinguc muwec: "Ŋŋe maŋ mamasasu tâmiric juŋgopien, ⁵⁰erâ zinguc wâc mi manangopien: Ŋjicguru nâŋâc sipiricke-fârenzipeŋte mocjahazi âkehoc-nâpohuc hâmome izi ŋŋe wâc bafic-ŋopaocmu." ⁵¹Dâg i maŋticnere mi muwec, e jara dameŋ ira taha bapa sâko juwecte fiŋdangdâŋ muwec. Jesu e jâmbomac njic jaŋere erâ hâmoocite mucnekicne, ⁵²erâ Judanjic jaŋere sawa mâcne, Anuture naru motecfâc mâreŋ sâc jurangopien jaje mâmâc bâtumaŋ-jopame guru mocjaha erâ junigte inguc mucnekicne.

11:32 Joh 11:21 11:33 Joh 13:21 11:35 Luk 19:41 11:38 Mat 27:60 11:39 Joh 20:1
11:40 Joh 4:23, 25, 26 11:42 Joh 12:30 11:45 Luk 16:31; Joh 10:42; 12:42 11:50 Joh 18:14
11:51 Fuf 50:20; Wah 28:30; 3ar 27:21 11:52 Joh 10:16; Joh 1, 2:2; Mat 12:30

⁵³ Eme micne bapa jaje 3oan gie bapa ira hâcne Jesu qanînte dângie fung-kembig. ⁵⁴ Irec Jesu e Judanîc jaŋerao mocwâc mi fua tâcnerâ juwec, e mâreŋ burocne irec mecqaŋeŋao hae moc gewec, Eferaim, ira motecfâcne rocjopame ra jumbig.

⁵⁵ Eme Judanîc aakic hombaŋ-jenîc bembenkeham e hae pitickonec ŋic bocjahazi bahac wâwânân gie-jenîc baniŋte biac bânierâ Jerusalem haeo rambig. ⁵⁶ Eme taha ufunŋko Jesu basarâ ŋiguc muhuc nazaŋ gazaŋ embig: "Ŋoŋe weniguc mungopien, e hombanŋte wareocmu me mâcne?" ⁵⁷ Taha bapa micne â farisaio ŋic jaje ine mumupaŋ dâŋ ŋiguc mumbig: "Moc e ŋeŋe juju-ticne honerâ ware mufua-nâreme kâpâcwâru banzepeneŋ."

Maria e Jesu opâ âsu biang ruacnewec

(Mat 26: 6-13; Mar 14: 3-9)

12 Aakic hombaŋ juwicnao 3oan gie bapa 6 fohame Jesuzi Betania haeo ra fisiwec. E hae ira hâcne Lazaro hâmockonec bâqârewec. ² Eme Jesu tiwâ bâzi rikecnepie Matazi râe bâmoc ejareme Lazarohec mâmâc ŋehuc nâmbig. ³ Ŋehapie Mariazi kiruŋ moc opâ âsu biang furi sâko jâmbân i rorâ Jesu kikene ruacnerâ qizec susuc-ticnezi bâkereŋkewec. Eme fic âsu biang fifârewec. ⁴ Eme motec jaŋere âgo moc Juda Karioto haeonec docbapa ŋic, eki ŋiguc muwec: ⁵ "Opâ âsu izi 30 kina kitâcneme ŋic hapetac jarepene sâckezac me!" ⁶ E dâŋ i hapetac jaŋere manasuhuc mi muwec, e moneŋ kânŋ wirec-jenîc bajuhuc moneŋ hume ro sonsoŋ ejujec, irec muwec. ⁷ Eme Jesuzi muwec, "Ŋoŋe ŋokac dâŋ mi mucneniŋ, e opâ âsu i sahac-nane ruacneme hâmope ducnuniŋte irec biŋe hâcne bajuwec. ⁸ Ŋic hapetac dameŋ sâc ŋoŋerao juhuc juniŋmu, no ine ŋoŋerao boc mi jupemu."

⁹ Eme Judanîc bocjaha jaje hae ira jume manarâ ijaha fisimbîg. Erâ Jesure sawa mâcne, Lazaro hâmockonec bâqârewec e mâmâc honeniŋte fisimbîg. ¹⁰ Eme irec taha bapa micne jaje Lazaro mâmâc qanînte dângie bambîg. ¹¹ Judanîc bocjahazi ere erâ rarâ Jesurao qohotambiŋte iŋuc embig.

Jesu Jerusalem haeo feme ofac hecnembig

(Mat 21: 1-11; Mar 11: 1-10; Luk 19: 29-40)

¹² Hae fureme ŋic guru sâko hombanŋte biac Jerusalem haeo fisimbîg jaje dâŋ biŋe ŋiguc manambiŋ: "Jesu warehuc jukac." ¹³ Dâŋ i manarâ zariŋ bazu amec erâ hatao bâfuanînte rambig. Erâ bâfuarâ ofac hecnehuc ŋiguc mumbig: "Ohec, Wofunŋte micte ware-nârekac e mumbianŋkenan, Israe ŋic-wofun ohec!" ¹⁴ Jesu e dongi motecne bâfuacnepie fainao ŋehuc rawec. I findanŋdâŋ kecŋiguc fokac irec sâcko ewec:

¹⁵ "Zionte otâ, go mi hâwicguoc;
manakic, ŋicwofunŋgezi fakac,
dongi motecnere âsio fakac."

¹⁶ Dâŋ i motecfâc-ticne jaje mârâc mi mana-hâmombîg. Juku Jesu sambân tatamac-ticnao risie feme dâŋ irec manasurâ ŋiguc mana tarambîg: I ere

qârengekicnere sâc. Ijaha ecnembij. ¹⁷ Jesu e Lazaro wiracneme zâneruŋ-konec wahame honembij ȝic guru sâko i jaŋe gâcne dâŋ binaŋ ejarembij. ¹⁸ Eme mâsi irec biŋe manambijte bocjahazi hatao ra bâfuambij hâcne. ¹⁹ Eme farisaio ȝic jaŋe jagackoan zȝiguc muhuc muc manac embij: "Manan-gopien, ȝoŋe dâŋgie bâipiehapie ȝic mâmâc sasawa erao qohota-fâren-gopien ine!"

Jesu hâmome huriri qâren-ticne fuaocne mukicne

²⁰ Judanȝic hombaŋte Jerusalem haeo fisimbij jaŋere ȝondenko Grikȝic qâpuc moc moc mâmâc juhuc Anutu mai ecnembij. ²¹ Eme jaŋe Filipino Bâsaida haeonec Galilaia mârenkonec erao rarâ zȝiguc âzâcnembij: "Ȧic-bomboŋ, nâŋe Jesu honezo muŋgopenenȝ." ²² Mupie Filipinozi Anderea âzâc-neme mâmâc Jesurao rarâ dâŋ i âzâcnepic. ²³ âzâcnepire zȝiguc muwec: "Ȧic Fâri Wâtugne huriri qâren-ticne fua tâcneocne zâfo maickekac hâcne. ²⁴ Jâmbomac jâmbân ȝazape mananiŋ, jacȝoŋ hândân e mârenko mi hurâ mâc foku foocmu, mârenge nânâ eme ine fârine bocjaha fuaocmu. ²⁵ Moc e juju-ticne âgo ecneme sifuckecneocmu, moc e mârenko juhuc juju-ticne râsi ecneme juju sananȝe biŋe focneocmu. ²⁶ Moc e nore kiŋan qaqa.ezo murâ bâjâpecnuzejec, eme no jupemuoa kiŋan qaqa-nanezi juocmu. Moc e no kiŋan qanareocmu, e Mamac-nanezi erickeocmu. ²⁷ ȝi maghane fâfârerâ qarac qarac qakac. Ehamen weniguc mupemu? 'Mamac go damen maic-nukac i bâsuec' iȝuc mupe? Misac, iȝuc aricne, damen i hâcne maicnuocne mukicne. ²⁸ Irec Mamac go mutec zâŋe biŋegere huriri qâren fua tâcne-zejec." Mume sambânkonec dâŋ zȝiguc wahawec: "I huriri qâren-ticne fuawec erâ huriri qâren jaha fua raocmu." ²⁹ Eme ȝicguru domambij jaŋe manarâ mumbij, "Quŋ hejec." â gâcnezi mumbij, "Âgelo moczi dâŋ âzâc-nejec." ³⁰ Mupie Jesuzi micȝenȝicko rorâ zȝiguc jazawec: "Dâŋ i nahacnere mâcne, ȝoŋere erâ fuajec. ³¹ ȝi mârenko ââke râwiŋ damen maickekacte mâren zirec ȝicbomboŋ e hetuŋkezo. ³² Mârenkonec bâfegnupie mâren sâc ȝic fârec-jopape norao fisiniȝmu." ³³ I hâmoc wenigucne hâmoocmu irec dâŋ suŋsuŋne iȝuc muwec. ³⁴ Mume ȝicguru domambij jaŋe zȝiguc âzâc-nembij: "Nâŋe mitio dâŋ kecȝiguc manaengopenenȝ: Kristo e mi hâmoŋuc jurazihuc juocmu. Eme ȝoki wemocne zȝiguc mukic: 'Ȧic Fâri Wâtugne e bâfegnenniȝmu'? Ȧic Fâri Wâtugne e mo?" ³⁵ Eme Jesuzi dâŋ zȝiguc bâtikie-jarewec: "ȝoctamac e ȝondeŋ-ȝenȝicko damen bembeŋne mac tamaeocmu. Irec dapâczi foŋȝopazacte ȝoctamac foŋarehame e maickerâ junzepien. Moc e dapâcko rahuc hata mi hone taraocmu. ³⁶ Irec ȝoctamac foŋarehame manzi sakarehuc kikefunfâc-ticne enzepien." Jesu e dâŋ iȝuc murâ ra soŋ-ŋoŋko juwec.

Judanȝic manŋanan-jenȝicte miti qikiȝnembij

³⁷ Jesu e mâsi fuŋne zâŋe fai-jenȝicko bame hone-bipiehuc sifu erao mi

12:19 Joh 11:48 12:20 Joh 7:35; 11:55 12:21 Joh 1:44; Luk 19:3; 23:8 12:24 Rom 14:9; Kor I, 15:36 12:25 Mat 10:39; Luk 14:26; 17:33 12:26 Joh 14:3; 17:24 12:27 Mi Mâ 6:3; 42:5; Mat 26:38 12:28 Joh 1:51; 5:37; Mat 3:17; 17:5 12:29 Luk 22:43 12:30 Joh 11:42 12:31 Joh 14:30; 16:11; Luk 10:18 12:32 Joh 8:28 12:34 Mi Mâ 110:4; Jes 9:7; Dan 7:14 12:35 Joh 8:12; 9:5; 11:10 12:36 Efe 5:8; Mat 23:39

roweckembiŋ. ³⁸I porofete Jesajare dâŋ sananŋkeocte iŋuc embiŋ. E dâŋ ziŋuc qâreŋkewec:

“Wofuŋ, biŋedâŋge mupene mozi mana zakieekac?”

Â Wofuŋte me i morao fua taniŋkeekac?”

³⁹Erâ Jesure dâŋ mi mana zakiembiŋ i Jesajare dâŋqâreŋ moc fokacte embiŋ ine kecziŋuc:

⁴⁰“E zâŋe-jeŋic tiŋtuŋ barâ maŋjeŋic bâzickewec,

jaje zâŋezi wiac hone taranzipiŋte,

â maŋzi wiac mana taranzipiŋte,

ehuc maŋjeŋic bârisiepie bâpiaŋ-jopazipore.”

⁴¹Jesaja dâŋ muwec, i Jesu sambâŋ tatamac-ticne honerâ muwec. ⁴²Eme micne bapa jaŋeraonec gâcne jaje Jesu manasiŋkembiŋ wâc. Erâ mufuapie farisaio jaje miti sakare-jarenzipiŋte hâwic-jopame hesoŋkembiŋ. ⁴³Jaje zâŋe biŋe-jeŋic ŋic jaŋerao waha qaqane ezacte manapie ŋemâckewec, â Anuturao waha qaqane ezacte manapie afeckewec.

Jesure dâŋ manahuc Mamac-ticnere dâŋ manazo

⁴⁴Jesu e hahagne bahuc dâŋ ziŋuc muwec: “Moc e no manasiŋnuocmu, e no sawa mâcne, sorecnuwec e mâmâc manasiŋkeocmu. ⁴⁵Â moc e no honecnuocmuzi sorecnuwec e mâmâc honeocmu. ⁴⁶No zoc tatamaczi mâreŋko wahapo, eme moc e no manasiŋnuocmuzi dapâckonec wefuocmu. ⁴⁷Moc e dâŋnane manarâ beheme okacne mi râcnepemu, no ŋic okacne jarepemurâ mâcne, bâpiaŋ-jopapemurâ wahapo. ⁴⁸Moc e no qikiŋnuhuc dâŋnane beheocmu, e mumutara fuacneocmu, dâŋ muekopac izi juku damen sâkoo mumutara ecneocmu. ⁴⁹No dâŋ i no nahacne maŋte mi muekopac, Mamac sorecnuwec e jahac dâŋ mufuapemurâ sâcmutâc enarewec. ⁵⁰Erâ no manakopac, micdâŋ-ticnezi juju sananŋ bâuæakac. Dâŋ muekopac i Mamaczi mutâcne-narewec sâc muekopac.”

Jesuzi motecfâcne kike zure-jarewec

13 Aakic hombaŋ maickehame Jesuzi e jahacnere ziŋuc manawec: No mâreŋ beherâ Mamactao risie fepemurâ damen bembenŋekac. Iŋuc manarâ mâreŋko wiacfâc-ticne maŋjaun ejarewec, i ejare tarahuc hâmoocce muwec. ²Eme ŋafere nânâ nâniŋte tumagnehapie wiac kecziŋuc fuawec: Simoŋ gokâ-ticne Juda, Karioto haeonec, e Jesu doc baocce Satanzu maŋ-ticnao qaŋeŋ râewec. ³Â Jesu e ziŋuc manawec: Mamac e wiac sasawa furu qârârie-narekac, eme no Anuturaonec wahapozi mocwâc Anuturao risie fepemu. ⁴Fuŋne iŋuc manahuc nânâ nâhuc ŋembigkonec faharerâ ŋaqi zora faine i hetararâ gie qoruc jomawec. ⁵Erâ opâ râqâcko qame hume fuŋkerâ motecfâcne kike zure-jarewec. Ehuc gie qoruczi bâkereŋ-ke-jarewec. ⁶Ejare raku Simoŋ Petororao fisime ziŋuc âzâcnewec: “Go Wofuŋzi kike-nane zurezo mukic me?” ⁷Mume Jesuzi ziŋuc âzâcnewec: “Wiac ekopac irec fuŋne ziŋuczia mi manakomec, juku zâhecko

12:38 Jes 53:1; Rom 10:16 12:39 Jes 6:9, 10; Mat 13:14, 15 12:41 Jes 6:1 12:42 Joh 7:48; 9:22
 12:43 Joh 5:44 12:44 Mat 10:40 12:45 Joh 8:12; 12:35 12:47 Joh 3:17;
 8:15; Luk 9:56 12:48 Heb 4:12; Bar 19:15 12:50 Joh 8:26, 28 13:1 Joh 7:30; 8:20; 15:13;
 Gal 2:20; Joh 1, 3:16 13:2 Luk 22:3 13:3 Joh 3:35; 16:28; 17:2 13:4 Mat 11:29; 20:28;
 Luk 12:37 13:6 Pet 1, 5:3

manacmu.” ⁸ Eme Petorozi zīguc muwec: “Aricne, go kike-nane mi zure-jâmbânkecmu.” Mume Jesuzi zīguc âzâcnewec: “Noni mi zurecgupe nohec maŋ zuzuhuc mi jucmu.” ⁹ Eme Petorozi zīguc muwec: “Wofuŋ, murâ kike-nane sawa mâcne, me qizec-nane mâmâc zurec.” ¹⁰ Mume Jesuzi zīguc âzâcnewec: “Moc e opâ ruarâ zâhec kike-ticne sawa zureme sahaacne qaqacne fofâreocmu, eme ŋoŋe iŋuc jaha qaqackembiŋ, erâ qaqacnea mi jufârengopieŋ.” ¹¹ E doc bapa-ticne mana tarahuc zīguc jazawec: “Ŋoŋe qaqacnea mi jufârengopieŋ.”

Kike zuŋurere fuŋne jazawec

¹² Kike-jeŋic zure-fârerâ ŋaŋi zora-ticne mocwâc heme hume waha ŋehuc zīguc jazawec: “No wiac eŋarepac irec fuŋne manangopieŋ me? ¹³ Ŋoŋe Qaqazu â Wofuŋ munareengopieŋ, erâ iŋeŋic jukopacte sâcne munareengopieŋ. ¹⁴ Eme no Wofuŋ â Qaqazu-ŋeŋiczi kike-ŋeŋic zure-ŋarepacte ŋaŋaczia iŋuc jaha kike zuzurec erahuc jupie sâckezejec. ¹⁵ Mâsi eŋarepac izi juju bapare ma qâreŋ-ŋeŋic eme i honehuc, eŋarepac irec sâc ehuc junzepieŋ. ¹⁶ No jâmbomac jâmbân mupe mananiŋ: Kiŋaŋ moteczi bomboŋ-ticnere sâc sirickerâ jujune i mi fokac, â sorekicnezi sorewec ere sâc sirickerâ jujune i wâc mi fokac. ¹⁷ Eme dân i manapaŋkerâ irec sâcko jupie no ŋoŋere manape zerine eocmu. ¹⁸ No dân mupe mâmâc sasawa mi rocŋopakac. No wenimoi rowosâec-ŋopapo i manakopac. Dânqâreŋ moc kecziŋuc fokac, i sanaŋkeocmu hâcne: Nânâ bâfâuc ecneekopac eki wâc bunaneo bakac. ¹⁹ Wiac i mi fuahame qanaŋ ŋazakopac, eme zâhec fuame, e Wofuŋzi qanaŋ manahuc muwec, nore iŋuc munzepieŋ. ²⁰ No jâmbomac jâmbân gazaŋ, moc e gie muŋarekicne ŋoŋe hezu hewâneŋ eŋareocmuzi gie rune no hezu hewâneŋ enareocmu, â moc e no enareocmuzi sorecnuwec e hezu hewâneŋ ecneocmu.”

Jesuzi Juda mutaniŋkewec

(Mat 26: 21-25; Mar 14: 18-21; Luk 22: 21-23)

²¹ Jesu e dân iŋuc murâ bu zaŋamaŋne fâuckezo eme mutaniŋkerâ zīguc jazawec: “No jâmbomac jâmbân mupe mananiŋ, ŋoŋeraonec moczi no doc bacnuocmu.” ²² Iŋuc mume motec jaŋe hohonec efârerâ, i more mukac, muhuc kâuc bambiŋ. ²³ Eme motec moc Jesure manfuŋko ŋewec, e bufuŋ jâmbân-ticne, ²⁴ e hâcne Simoŋ Petorozi mezi sâsâc ecnerâ muwec, “Wioc-netec gazaoc, more mukac?” ²⁵ Eme motec eki hâcne qizec-ticne Jesure amecko fohorerâ muwec, “Wofuŋ go more mukic?” ²⁶ Eme Jesuzi muwec, “Poron sicko âke uruckerâ râcnepe nâocmu ere hâcne mukopac.” Iŋuc murâ poron sicko âke uruckerâ Simoŋ ŋokâ-ticne Juda, Karioto haeonec, e râcneme nâwec. ²⁷ Nâme Satanz i magne sakioŋkewec. Eme Jesuzi zīguc âzâcnewec: “Wiac ezo mukomec, i biac jaha ezemec.” ²⁸ Dân iŋuc âzâcneme gâcne mâmâc ŋembiŋzi mi mana-hâmombiŋ. ²⁹ Ehuc tucnezi zīguc mumbiŋ: “Juda e moneŋ kânoŋ wirec-nâŋec bajukacte hombaŋte wiac moc

13:8 Joh 13:12 13:10 Joh 15:3 13:11 Joh 6:64, 70, 71 13:13 Mat 23:8, 10 13:14 Luk 22:27;
Tim 1, 5:10 13:15 Fil 2:5; Kol 3:13; Pet 1, 2:21 13:16 Mat 10:24 13:17 Mat 7:24; Jak 1:25
13:18 Mi Mâ 41:9 13:19 Joh 14:29 13:20 Mat 10:40 13:21 Joh 12:27 13:23 Joh 19:26;
20:2; 21:7, 20 13:27 Joh 13:2 13:29 Joh 12:6

furine baocite sorekac, me ñic hapetac moner jareocite mukac.” ³⁰ Eme Juda e poroñ nârâ izia ñafe fuaha rawec.

Jesu e huriri qâreñ-ticnere muwec

³¹ Juda rame Jesuzi motec gâcne zîguc jazawec: “Ûi ñic Fârî Wâtugne e huriri qâreñ-ticne fuakac, eme ere erâ Anuture huriri qâreñ mâmâc fuakac. ³² ñic Fârî Wâtugnezi Anuture huriri qâreñ bâfuawecte Anutu e jahac ñic Fârî Wâtugne ere huriri qâreñ iguc jaha bâfuaoctu, dameñ mi zorahame biac bâfuaoctu. ³³ Motecfâc-nane, no dameñ bemberne mac moc ñeñehec jupemu. Eme zâhec basacnuniñmu. Eme Judaniñ jazapo ijaha ñeñe gâzape: No rapemu ijaha sâcne mi fâninñmu. ³⁴ Eme ñi sâcmutâc dân qâricne gâzape: Manjaug eec enzeñeñ, noni manjaug enjare warehuc jupo iguc jaha ñağackoag manjaug eec enzeñeñ. ³⁵ Manjaug eec epie ñic jage honec-ñopapie motecfâc-nane jingopieñ ezeñec.”

Jesuzi Petoro findağdân âzâcnewec

(Mat 16: 33-35; Mar 14: 29-31; Luk 22: 31-34)

³⁶ Eme Simoñ Petorozi wiocnerâ muwec, “Wofuñ, go wena racmu?” Eme Jesuzi muwec, “No rapemu ijaha zîguczia sâcne mi fâcnu, juñu zâhec ine fâzemec.” ³⁷ Eme Petorozi zîguc muwec: “Wofuñ, no wemocte zîguczia sâcne mi fâpemu? No gore erâ juñu-nane sâcne kikiñnepemu.” ³⁸ Mume Jesuzi zîguc âzâcnewec: “Go nore erâ jujuge kikiñnezo mukomec me? No jâmbomac jâmbân gâzape: Qâqâczi mi dânegame goki jahac â moc mic bacnucmu.

Mâmâzoc dân:

1. Ñeñe-nâñec hewânengkeekac

14 “Ñeñe fâfârerâ manñeñic mi gâckezeñec. Anutu manasiñkehuc no mâmâc manasiñnunzeñeñ. ² Mamac-nanere hae qizecko fic bocjaha gerakac. Iguc mi fome muzac, ñeñe hewânengke-ñarezo rapemu, i moc gâzazapo me? ³ Eme ra ñeñe hewânengke-ñarerâ mocwâc risie warerâ jowac-ñopape rarâ no jupemuoa junzeñeñ. ⁴ Rapemu hata i honeengopieñ.” ⁵ Mume Tomazi zîguc âzâcnewec: “Go wena racmu, i nâñe mi manangopeneg, irec wemocko hata honenagñmu.” ⁶ Eme Jesuzi zîguc âzâcnewec: “Hata â dân fârî qizec â juñu irec rune no. No nowarurâ Mamactao fifisi i mi fokac. ⁷ Ñeñe juwicnao no zâñitacnurâ muzac Mamac-nane iguc jaha zâñitanzapiñ. Ûi ine Mamac-nane zâñitarâ mana tarangopieñ.” ⁸ Iguc mume Filipozi zîguc muwec: “Go Mamac nâwotutec honerâ manapene taraocmu.” ⁹ Eme Jesuzi muwec: “Filipo, no dameñ zora ñeñehec juhape go mi hone tarac-nukomec? Moc e no honecnuekaczi Mamac honeekac. Eme go wemocte zîguc mukomec: ‘Go Mamac nâwotutec honenag’? ¹⁰ Mamaczi no manñuekac â noni Mamac manñeekopac i mi mana zâkiekic me? Dân gâzaekopac i nahacne manñe mi gâzaekopac, Mamaczi nore

13:32 Joh 12:23; 17:1-5 13:33 Joh 7:33; 8:21 13:34 Joh 15:12, 13, 17; Joh 1, 2:8, 10
13:36 Joh 7:34; 21:18, 19 14:1 Joh 14:27; Mar 11:22 14:3 Joh 12:26; 17:24 14:6 Heb 10:20;
Mat 11:27; Joh 11:25; Rom 5:1, 2 14:9 Joh 12:45; Heb 1:3; Mat 17:17 14:10 Joh 12:49

manjo juhuc gie-ticne baekac. ¹¹ Mamaczi no manñuekac â noni Mamac manñeekopac, dân i manapie fârine ezejec. Me miczi mupe mi sâcñopackacko wiac bapa-nanere erâ dân i mana zâkienig.

2. Nengoc ñesig moc wahaocte muwec

¹² “No jâmbomac jâmbân mupe mananig: No manasignuocmuzi gie baekopac ijaha baocmu. Erâ i sawa mâcne, sâcnane jâuruhuc baocmu. No Mamactao fepemure iguc hâcne fuaocmu. ¹³ Eme ñoge nore zâñe bajuhuc numupie sâc mana-ñarehuê epemu. I Mamacte mumuten ñokâre erâ fuaocte iguc epemu. ¹⁴ Zâñe-nane bajuhuc numu-narepie mana-ñarehuc epemu. ¹⁵ Manñenig nore qikignengopienko micnane renkenigmu. ¹⁶ Eme noni Mamac numucnepe nengoc ñesig-ñenig moc soreme waharâ ñogehec juhuc juocmu sanag. ¹⁷ Dân fâri qizecnere Mâro hâcne. I miti tâmiriczi rorone mi fokac. Jâne e mi hone taraengopien â e mi mana taraengopien. E ñogehec juekaczi manñenigicko hurâ juocmu, irec ñoge e kâuc mi baengopien. ¹⁸ No beheç-ñopape bekâ mâsin erâ mi junigmu. No ñongerao risie warepemu. ¹⁹ Damerj bemberne mac moc fokac, i tarame miti tâmiriczi mocwâc mi honecnunigmu. Ñoge ine honecnunigmu. No juju sanag jukopac, irec ñoge iguc jaha qâricne juranigmu. ²⁰ Damerj ira, Mamaczi no manñuekac â noni ñoge manñopaekopac, â ñoge no manñuengopien i mana taranigmu.

3. Jesuhec manjan ezo

²¹ “Moc e micdân-nane bajuhuc sâseocmu, eki manjaug enareocmu. Eme moc e no manjaug enareme Mamac-nanezi e iguc jaha manjaug ecneocmu, â no nahac wâc manjaug ecnehuc fuñne-nane mutanigkecnepemu.” ²² Iguc mume Juda Karioto haeonec ere wasezi wiocnerâ muwec: “Wofuñ, go weniguc erâ fuñnege nâñerao sawa batanigkehuc ñic gâcne sâko jâne hesongke-jarezo mukic?” ²³ Mume Jesuzi dân ziguc bâtikiecnawec: “Moc e manjaug enareocmuzi dânane mana reren eocmu. Eme Mamac-nanezi e iguc jaha manjaug ecneocmu. Eme nâhe mâmâc erâo fisirâ ñeje juju enacmu. ²⁴ Moc e manjaug mi enareocmuzi dânane wemocko mana reren eocmu. Erâ dân ñazaekopac i no nahacnaonec mâcne, i Mamac sorecnuwec eraonec.

4. Jesuzi wama fârine nâreekac


²⁵ “No nahac ñogehec juhuc dân igucne ñaza qazuc eekopac. ²⁶ Eme nen-goc ñesig Tiri Mâro hâcne e Mamaczi nore michte soreme waharâ dân sasawa ñaza qazuc enareocmu, â noni ñazaekopac i heqâre-ñare-fâreocmu. ²⁷ No merâfâc-nane wama ñarekopac, ñic wama mâcne, no nahacne wama

14:11 Joh 14:20; 10:25, 38 14:12 Mar 16:19, 20 14:13 Joh 15:7; Mar 11:24; Joh 1, 5:14
 14:14 Joh 16:23, 24 14:15 Joh 15:10; Joh 1, 5:3 14:16 Joh 14:26; 15:26; 16:7; Joh 1, 2:1
 14:17 Joh 7:39; 16:13; Mat 10:20; Rom 8:26 14:19 Joh 16:16 14:20 Joh 17:21-23
 14:21 Kor II, 3:18; Joh 1, 5:3 14:22 Apo 10:41 14:23 Joh 13:34; 14:21; Muq 8:17; Mat 18:20;
 28:20; Efe 3:17; Kor II, 6:16 14:24 Joh 7:16; Joh 1, 2:5 14:26 Joh 14:16; Mat 10:19
 14:27 Joh 1:16, 33; Fil. 4:7

jâmbân ñarekopac. Irec manñenic mi fâfârerâ gâckezejec. ²⁸No kecziñuc ñazape manambien: 'No rarâ juku ñogerao mocwâc risiepemu.' Ñoñe manñenic nore qikiñnerâ muzac, ine Mamactao fepemu i manarâ bubian bâfuanzapiñ. Mamac e nore femicne jukacte manasuhuc iñuc enzapiñ. ²⁹Ʒi fârine mi fuaha qanañ ñazakopac, irec fuame honerâ mamasasiñ-ñenic sanañkezejec. ³⁰No Ʒi dâñ bocjaha mi zuhuckerâ ñazapemu. Mâreñ Ʒirec ñicbomboñ wareocte zawiekac, warerâ norao hetakireocmu. ³¹Eme Mamac manjaun ecnehuc gie munarewec baekopac i miti tâmiriczi hone taraniñte faharepie ranaj.

Jesu e waiñ jâcne, nânâc tienfâcne

15 "No waiñjâc funqizecne jâmbân, â Mamac-nanezi waiñ gie rune. ²Tieñne moc norao foipiehuc fârinehec mi eme qâtâcne behec eocmu, â tieñne moc fârinehec fome gie bacneme soka bian eocte soñañ-keocmu. ³Ñoñe ine miti ñazape manahuc biac qaqačkembiñ jungopieñ hâcne. ⁴Eme ñoñe no mañnupie noni ñoñe iñuc jaha maññopapemu. Waiñ tieñnezi jâcnehec Ʒuzuhuc mi fohuc e jahackoan sawa fârinehec mi eocmu.



Waiñjâc hândâñnehec

Eme ñoñe iñuc jaha no mi mañnuhuc wemocko fârinehec eniñmu. ⁵Waiñjâc funqizecne no, tieñ tañne ñoñe. Moc e no mañnuhame noni e mañkepemu, eme iñucnezi fârine- sâkohec eocmu. Ñoñe no tâmiric juhuc wiac eene i mi fokac. ⁶Moc e no mi mañnume e behezo, eme waiñ tieñne behepie qañame qâzuckerâ behepie Ʒocko Ʒaekac, sâc ijaha ecnezo. ⁷Ñoñe

14:28 Joh 14:3, 6, 18; Luk 24:52 14:29 Joh 13:19 14:30 Joh 12:31; Efe 2:2 14:31 Joh 10:18;
Mat 26:46; Mar 14:42 15:1 Jer 2:21; Mi Mâ 80:8 15:2 Mat 15:13 15:5 Kor I, 12:12, 27;
Kor II, 3:5 15:6 Mat 3:10; 13:40 15:7 Mar 11:24

no magnuhuc dâgnane mankenigmu, eme wiac irec me irec numupie fua-ɣareocmu. ⁸ Ɔɔŋe fârine sâkohec ehuc motec jâmbâŋfâc-nane erâ jupie Mamac-nanere mumuteɣ fuaocmu.

Manjaun eec ezo

⁹ “Mamaczi no manjaun enareekac, iguc jaha noni ɔŋe manjaun enareekopac. Eme ɔŋe nore manjaunkoa junzepieɣ. ¹⁰ Micdân-nane reŋkehuc ine nore manjaunko junigmu, no iguc jaha Mamac-nanere micdân reŋkehuc ere manjaunko juekopac. ¹¹ Nore bubiŋzi ɔŋerao fotâcneme ɔŋerezi fufusuc foocte dâŋ zi ɣaza-fârekopac. Erâ ɔŋerao fohuc fua sawec ezejec. ¹² Micdân-nane kecziɣuc ɣazakopac: Noni manjaun enareekopac, iguc jaha ɣaɣaczia manjaun eec enzepieɣ. ¹³ Moc e âgofâcne jaɣere riŋ rohuc juju-ticne qaisockeocmu, irec manjaun fekicne sâko muzo. ¹⁴ Gie muɣareekopac i bapie honec-ɔpape âgofâc-nane eniɣmu. ¹⁵ No damen zi kiŋaŋ qaqa mocwâc mi muɣarekopac, mana-ɣarepe âgofâc-nane engopieɣ. Kiŋaŋ qaqazi bombon-ticnere maŋko dâŋ foekac i mi manaekac. Noni ine Mamac-naneraonec dâŋ manapo sâc mufuarâ ɣaza-fârepore honec-ɔpape âgofâc-nane engopieɣ. ¹⁶ Ɔɔŋe no mi rowosâecnumbiɣ, noni ɔŋe rowosâec-ɔpapo, erâ ra juhuc fârine bâfuaniŋte muɣarepo. Eme fârine bâfuapie fophonec ezejec. Iguc erâ nore zâŋe bajuɣ Mamac numucnepie sâc ɣareocmu. ¹⁷ Manjaun eec enzepieɣ, micdân ine hâcne ɣazakopac.

Jesu qaisockembiŋte motecfâcne qaisoc-jopaniɣmu

¹⁸ “Miti tâmiriczi qaisoc-ɔpapie ziɣuc munzepieɣ: ‘Wofuɣ e mârâcko iguc hâcne fuŋkerâ qaisockembiɣ.’ ¹⁹ Miti tâmiric jaɣere guruo razipie muzac âgo enarenzapiɣ. No ine jaɣere guruonec rowosâec-ɔpape eebapa-jenic râpeckembiŋte qaisoc-ɔpapeengopieɣ. ²⁰ No dâŋ moc kecziɣuc ɣazapo irec manasunzepieɣ: Kiŋaŋ qaqazi bombon-ticnere sâc sirickerâ jujune mi fokac. Jaŋe no râsi enarembiŋko ɔŋe râsi jaha enarenigmu, jaŋe nore dâŋ mana maŋ embiŋko ɔŋere dâŋ iguc jaha mana maŋ eniɣmu. ²¹ Sorecnuwec e mi zâŋitaengopieŋte nore erâ iguc hâcne enarenigmu. ²² No jaɣerao mi waharâ fuɣne mi jazape muzac kiŋ tâmiric junzapiɣ. Zi ine kiŋjenic wemocko murârâŋnenigmu. ²³ Moc e no qaisocnuekaczi Mamac-nane iguc jaha qaisockeekac. ²⁴ No ɔndon-ɣenicko mâsi sâko, ɣiczi mi bapane, i mi bazapo muzac kiŋ tâmiric junzapiɣ. Zi ine bape hone-fâre-bipiehuc no qaisocnuhuc Mamac-nane iguc jaha qaisockeen-gopieɣ. ²⁵ Iguc epie mitio dâŋ moc kecziɣuc fokac, i sanankekac hâcne: ‘Jaŋe oma jâmbâŋ qaisocnumbiɣ.’ ²⁶ Nengoc gesiɣ, dâŋ fâri qizecnere Mâro hâcne, Mamactao jukac, e sorepe Mamactaonec waharâ fuɣne-nane mutaniŋkeocmu. ²⁷ Erâ ɔŋe gie fuŋkepoonec nohec juwarembiŋte iguc jaha fuɣne-nane mutaniŋkenzepieɣ.

15:8 Mat 5:16 15:10 Joh 8:29; 14:15; Joh 1, 2:4, 8 15:11 Joh 17:13 15:12 Joh 13:34;
Joh 1, 3:11; Mar 12:30 15:13 Joh 10:12; Joh 1, 3:16 15:14 Joh 8:31; Mat 12:50; 28:20
15:16 Joh 6:70; 13:18 15:18 Joh 7:7; Joh 1, 3:13 15:19 Joh 1, 4:5; Luk 6:22 15:20 Joh 13:16;
Mat 10:24 15:21 Joh 10:22; 16:3; Mat 5:11; Mar 13:13 15:23 Joh 5:23; Joh 1, 2:23; Luk 10:16
15:24 Joh 14:11 15:25 Mi Mâ 35:19; 69:4 15:26 Joh 14:26; Luk 24:49 15:27 Luk 1:2;
Apo 1:9; 5:32

Motec jaje zika kiniŋmu

16 "Juku wiac eŋarepie manapie ririsi ezacte dâŋ i qanaŋ ŋazakopac. ²Jaje mitific sakare-ŋarenigmu. Erâ wâc dameŋ moc maickeocmu, ira Anuture gie bangopeneŋ muhuc qâhâmoc-ŋopanigmu. ³Jaje Mamac mecne no mecne mi zâŋitac-nâfoengopieŋte iŋuc eniŋmu. ⁴No dâŋ qanaŋ ŋazakopac, i sananŋkeme munzepieŋ: Eki mârâc jaha nâzâwec hâcne. Dâŋ i dameŋ-nane zoricne fohame mârâc biac mi ŋazapo.

Mâro e fuŋŋe babataniŋ

⁵"Źi ine sorecnuwec erao fezo ehape ŋoŋeraonec moczi moc ziŋuc mi wio-narekac: 'Go wena racmu?' ⁶Dâŋ iŋucne ŋazakopacte mâc busâqoczi manŋeŋic fusucmakac. ⁷No dâŋ jâmbomac mupe mananiŋ: Risie fepemu i ŋoŋerao fârine fuaocte fepemu. Mi fezapo muzac, nengoc ŋesinŋi mi wahazac. Ferâ ine sorepe wahaocmu. ⁸Waharâ ŋic fuŋne bataniŋke-jareme ziŋuc mananiŋmu: Kiŋ fokac â tiŋke biaŋ fokac â okacne dâŋ mumutara fokac. ⁹Kiŋte fuŋne ziŋucko mananiŋmu: Jaje no mi manasiŋnuengopieŋ. ¹⁰Tiŋke biaŋte fuŋne ziŋucko mananiŋmu: No Mamactao risie fepe mocwâc mi honecnuniŋmu. ¹¹Okacne dâŋ mumutara irec fuŋne ziŋucko mananiŋmu: Mâreŋ zirec ŋicbombon okacne dâŋ biac mutaracnekiŋe.

Mâro e jojowa-nâŋec

¹²"Dâŋ ŋaŋazane bocjaha fokac, erâ dameŋ ziŋuczia ŋazape wemocko amecke-fâreniŋmu. ¹³Dâŋ fâri qizecnere Mâro eki ine waharâ dâŋ fâri qizecnere zâkânko bâutuc-ŋopaocmu. E jahacne manŋe dâŋ mi ŋazaocmu, mutâcnecekiŋe sâc ŋazaocmu, erâ juku wiac fuaocmu i wâc mufua-ŋareocmu. ¹⁴Dâŋ i no nahacne rowanŋkonec rorâ mujanŋeŋke-ŋareme nore huriri qâreŋ fuaocmu. ¹⁵Mamactao wiac fokac irec rune no. Irece hâcne mupac, 'Nore rowanŋkonec rorâ mujanŋeŋke-ŋareocmu.'

Jesu e rarâ wâc risie wareocmu

¹⁶"Dameŋ bemberŋe fokac, i tarame rape basacnuniŋmu. Erâ irec faicnao dameŋ bemberŋe jaha wâc fokac, i tarame warepe honecnuniŋmu." ¹⁷Iŋuc mume motec jaje nazaŋ gazaŋ erâ ziŋuc mumbiŋ: "Weniŋucte dâŋ kecziŋuc mukac? 'Dameŋ bemberŋe fokac, i tarame rape basacnuniŋmu, erâ irec faicnao dameŋ bemberŋe jaha wâc fokac, i tarame warepe honecnuniŋmu.' Â moc ziŋuc mukac: 'Mamactao fepemu.' " ¹⁸Iŋuc murâ harierâ mumbiŋ: " 'Dameŋ bemberŋe fokac,' iŋuc wemocte mukac, nâŋe kâuc bangopeneŋ." ¹⁹Wiocnezo epie Jesuzi hone tarac-joparâ ziŋuc jazawec: "Dâŋ kecziŋuc ŋazapacte muc manac engopieŋ, 'Dameŋ bemberŋe fokac, i tarame rape basacnuniŋmu, erâ irec faicnao dameŋ bemberŋe fokac, i tarame warepe honecnuniŋmu.' " ²⁰No jâmbomac jâmbân ŋazape: Ŋoŋe ki mamakuc ehapie miti tâmiriczi zeri eniŋmu. Ŋoŋe busâqocko juniŋmu, ehame busâqoc-ŋeŋiczi ŋerisieme bubiaŋ fuaocmu. ²¹Ŋokac moc e motec

16:1 Joh 14:29 16:2 Joh 9:22; Mat 5:11; 24:9; Luk 6:22 16:3 Joh 15:21 16:4 Luk 22:53;
Joh 17:12 16:5 Joh 7:33 16:7 Joh 14:16, 26 16:8 Kor I, 14:24; Heb 4:12 16:9 Joh 3:18;
Rom 1:18 16:10 Apo 5:31; Rom 4:25 16:11 Joh 12:31; 14:30 16:12 Kor I, 3:1 16:13 Joh 14:26;
Joh I, 2:27 16:15 Joh 17:10 16:16 Joh 14:19 16:21 Jes 26:17

roqte damejne maickeme zâic manaocmu. Izi motec rome zâic omaeme, qâric fuajec irec bubian manaocmu. ²² Eme rome iguc jaha damej ziguczia buzâichec junigmu. Juhapie mocwâc risierâ honec-ropape bubian bâfuanigmu. Eme bubian i moczi mi qâsua-gareocmu. ²³ Eme damej ira wiac mocte mi kâuc barâ wio-narenigmu. No jâmbomac jâmbân gazape: Rome Mamac wiac mocte numucnepie zâne-nanere erâ gareocmu. ²⁴ Juwarembig ira nore zâne bajuhuc mi numu jumbien. Zi ine numurâ ropie bubian-ge-igici fua sawec erâ fufuse fozejec.

Jesure zâne bajuhuc numuzo

²⁵ "Dâj gaza warehuc jupo i sunsugne qahuc gazapo. Juku damej moc maickeocmu ira ine dâj sunsugne mi muhuc, Mamacte fune mâc mutanigkerâ gazapemu. ²⁶ Damej ira zâne-nane bajuhuc numupie noni rome bâsâoc-ropahuc Mamac âzâcne i mi epemu. ²⁷ No Mamactaonec wahapo, dâj i mana zakiehuc manjaug enareengopiente Mamac e jahac wâc iguc jaha manjaug enareekac. ²⁸ No Mamac beherâ mârenko wahapo, eme zi mâren beherâ Mamactao mocwâc fekopac." ²⁹ Iguc mume motec jâne ziguc âzâcnembi: "Zi dâj sunsugne mi muhuc mâc mutanigkerâ nâzâkomec hâcne. ³⁰ Irec gore ziguc manangopenen: Jic jâne mu wioc mi egarehapie go gahaczia wiac sasawa mana-fâreekic, go Anuturaonec wahamej i mana zakiengopenen." ³¹ Mupie Jesuzi ziguc jazawec: "Rome migece mana zakiengopenen me? ³² Damej moc fokac, i biac maickeme no behecnurâ singan qarâ ficgenic sâc rafârenigmu. Erâ behecnupie buc mi jupemu, Mamaczi nohec jukacte buc jâmbân mi jupemu. ³³ Nore wamazî rome gofoote dâj igucne gazakopac. Rome mârenko zârâ hârig faio juengopenen, eme noni mârenge micne momori fozukopacte rome hâbi-ge-igichec junepien."

Mâmâzoc nunumu:

1. Jesu e jahacnere numuwec

17 Jesu e dâj i mutarârâ sambânko fime feha ziguc muhuc numuwec: "Mamac, damej maickeac. Go Jokâgere huriri qâren bâfuatec Jokâzi iguc jaha gore huriri qâren bâfûazejec. ² Go e mâren sâc ge jâgere rusâko râmen, ehuc ge erao râec-jopamen sâc jâne juju sanan bâfua-jareocte mucnemej. ³ Juju sanante fune ine ziguc fokac: Go Anutu fârine mocjaha â soremen, Jesu Kristo hâcne, ge jâne iguc mana tarac-nâfopie juju sanan fua-jareocmu. ⁴ Ge munaremen i baku batarafe mârenko huriri qârenge fuakac. ⁵ O Mamac, mâren mi fuahame gohec sambân tatamac-nanehec jupo, ijaha zi mocwâc bârisie-naretec rojuzepac.

2. Motec jâgere numuwec

⁶ "Guru sâkoonec ge nore bâwosâec-jopamen jâne bigedânge mujângenge-jarepo. I gore bige juhapie nore qikig-jopamen, eme jâne gore dâj

16:22 Jes 66:14 16:23 Joh 14:13, 14, 20; Mat 7:7; Mar 11:24 16:24 Joh 15:11 16:25 Joh 10:6
 16:27 Joh 14:21 16:29 Joh 16:25 16:30 Joh 2:25 16:32 Mat 26:31, 45; Mar 14:27, 50;
 Joh 8:29 16:33 Joh 14:27; Rom 5:1; Joh I, 5:4 17:1 Joh 11:41; 13:1 17:2 Mat 11:27
 17:3 Joh I, 5:20; Tes I, 1:9 17:4 Joh 4:34 17:5 Joh 1:1; 17:24; Fil 2:6 17:6 Joh 17:9; Mat 6:9

ropie manjenjic ewec. ⁷Wiac fonarekac i goraonec sasawa, jaŋe i mana taranggopienj. ⁸Go dâŋ naremeŋ i jarepe ro sakarec embiŋ. Ehuc goraonec wahapo i manapaŋkembij, â go gahac gie munaremeŋ i mana zakiembij.

⁹"No jaŋere erâ numu-garekopac. Miti tâmiric jaŋere erâ mi numu-garekopac, naremeŋ jaŋere sawa erâ numu-garekopac, jaŋe gore biŋe hâcne. ¹⁰Nore biŋezi gore biŋe â gore biŋezi nore biŋe. Eme manjenjicko huriri qâreŋ-nane fuawec fokac. ¹¹No mâreŋko juju-nane tarakac, jaŋe ine mâreŋko zuhuckerâ juhapie no gorao fâzo ekopac. Tiri Mamac, biŋedâŋge naretec jazapo, eme go hemiriŋ-jopatec dâŋ irec maŋnao junzepienj. Eme nâhâc maŋ mocjaha juekoperec, iŋuc jaha jaŋe maŋ mocjaha junzepienj. ¹²Jaŋehac jupo sâc biŋedâŋge naremeŋ izi hemiriŋ-jopape irec maŋnao jumbij. Ehuc soŋaŋ-jopape moc mi sifuckembij. Dâŋqâreŋ sanankeocte hârâcte biŋe mocjahazi sipirickewec. ¹³Ŷi gorao fâzo ehuc Ŷira mâreŋko dâŋ iŋuc gazepe nore bubianzi jaŋerao fotâcnerâ qârâŋkeme bajunzepienj. ¹⁴No dâŋge jarepe bajupie mâreŋte biŋe jaŋe qaisoc-jopaenggopienj. No nahac mâreŋte biŋe mi juekopac, iŋuc jaha jaŋe mâreŋte biŋe mi juengopienj iŋuc hâcne ejareenggopienj. ¹⁵Go mâreŋkonec rocjopacmurâ mâcne, sâqocnere ŋezic-jopacmurâ gazakopac. ¹⁶No gâtâ-nane mâreŋko mi bawec, iŋuc jaha jaŋe gâtâ-jeŋic mâreŋko mi bawec. ¹⁷Gore dâŋ fâri qizecnezi manjenjic furu batec fozejec. Gore mitizi dâŋ fâri qizecne hâcne. ¹⁸Goki no mâreŋko gie munaremeŋ, iŋuc jaha noni jaŋe mâreŋko gie mujarepo. ¹⁹Jaŋe dâŋ fâri qizecnezi manjenjic furu bame juniŋte no nahac wâc jaŋere erâ maŋsahac-nane bâtirirâ râekopac.

3. Miti mamana nâŋâcnere numuwec

²⁰"Erâ no jaŋere sawa mi numu-garekopac, miti jazapie manasignunigmu jaŋere mâmâc numu-garekopac. ²¹Jaŋe maŋwirec erâ juniŋte gazakopac. Mamac, go no maŋnuekic â noni go maŋguekopac, iŋuc jaha jaŋe nâhâc maŋnâfonzepienj. Iŋuc epie miti tâmiric jaŋe gahac sorecnutec wahapo i manapaŋkenzepienj. ²²Nâhâc maŋ mocjaha juekoperec, iŋuc jaha jaŋe maŋ mocjaha erâ junzepienj. Iŋuc juniŋte hâcne huriri qâreŋ naremeŋ iŋjaha jarepo. ²³No maŋjopahape go maŋnutec jaŋe maŋzi zâzâfic ehuc hâcbuc erâ junzepienj. Iŋuc jupie miti tâmiriczi goki sorecnutec wahapo i mana zakienzepienj, â no maŋzi zâficnuhuc jaŋe mâmâc zâfic-jopaekic, i wâc manapaŋkenzepienj. ²⁴Mamac, naremeŋ ŋic i jaŋe no jupemuoa juniŋte mukopac. Eme mâreŋ hobetene mi fuahame maŋjaug enarehuc sambâŋ tatamac tahacnumeŋ, i hâcne nohec juhuc hone aŋac enzepienj. ²⁵Mamac, tiŋne rune, ŋic jaŋe mi mana taracgumbij, noni ine mana taracguekopac, erâ kikefufâc-nane jaŋe gahac sorecnutec wahapo i manapaŋkeenggopienj. ²⁶No biŋedâŋge mutaniŋke-jarepo erâ mutaniŋke-jarehuc jupemu. Eme maŋjaug no enaremeŋ iŋjaha jaŋerao fome maŋjopahuc jupemu."

17:8 Joh 16:30 17:9 Joh 6:37, 44 17:10 Joh 16:15; Luk 15:31 17:11 Joh 10:30; Mat 6:13
 17:12 Joh 6:39; Mi Mâ 41:9; 109:8; Tes II, 2:3 17:13 Joh 15:11 17:14 Joh 15:19 17:15 Tes II, 3:3;
 Joh I, 5:18; Mat 6:13 17:17 Joh 6:63 17:18 Joh 20:21 17:19 Heb 10:10 17:20 Joh 17:9
 17:21 Gal 3:28 17:22 Apo 4:32 17:23 Kor I, 6:17; Gal 2:20 17:24 Joh 10:29; 12:26; Ele 1:4

Jesu Gezemane jufuo juhame rombin

(Mat 26: 47-58; Mar 14: 43-50, 53-54; Luk 22: 47-54)

18 Jesu e nunumu dâŋ i muku mufârerâ motecfâcne rocjopame haeonec hurâ Kidoron opâ herâ, mâreŋ mocko jufu gie fowec, ira rambin.
² Jesu â motecfâcne ira gâbâ tumagne jumbienŋe Juda docbapa ɲic e jufu i honewec wâc. ³ Eme ira hâcne juhapie Judazi kiaranece momori erâ taha bapa miche â farisaio ɲic jaŋeraonec motec rocjopame waha lambe â zika barâ rambin. ⁴ Eme Jesu e wiac ecneninɲu i mana-fârehuc jufu tofanao ra bâfuac-joparâ wio-jarewec: "Ɖonge mo basangopien?" ⁵ Eme jaŋe mumbin, "Jesu Nazarete rune." Mupie muwec, "No hâcne zi." Ehame Juda docbapa ɲic e ɲonden-ɲenicko domawec. ⁶ Eme "no hâcne zi" Jesuzi iɲuc jazame jaŋe rârâpe rahuc rândinŋe qambin. ⁷ Iɲuc epie hâsine wio-jarerâ muwec: "Ɖonge mo basangopien?" Eme mumbin, "Jesu Nazarete rune." ⁸ Mupie Jesuzi zɲiɲuc jazawec: "No ɲazapac i, no hâcne zi. No basacnɲungopienŋo keci jaŋe behece-jopanin." ⁹ Iɲuc eme dâŋ kecziɲuc muwec i sananŋewec: "Naremeŋ jaŋe sonaŋ-jopape moc mi sifuckembin." ¹⁰ Eme Simon Peto e sâŋe bajuwec i becsahackonec unuckerâ taha bapa sâko kinan motec-ticne hazecne fâreopece i qatarawec. Motec zâŋene Maiko. ¹¹ Iɲuc eme Jesuzi Peto zɲiɲuc âzâcnewec: "Sâŋege becsahacko râce huoc. Me zâic guru Mamac-nanezi râe-narekac, i qikinŋepemurâ mukic?"

¹² Eme sonaŋ-ɲenicki mume momori â Judanɲic motecfâc-ɲenicki jaŋe Jesu rorâ mene qarâ ¹³ Hanasire ficko barambin. Eme dameŋ ira Judanɲic taha bapa sâko-ɲenicki juwec, zâŋene Kaifa, eki Hanasire otâ bawec. ¹⁴ Kaifa eki hâcne Judanɲic zɲiɲuc jazawec: "Ɖicguru nânâc sipiricke-fârenziŋpenŋe moc-jahazi âkehoc-nâporâ hâmome tarazejec."

Petorozi Jesu mic bawec

(Mat 26: 69-70; Mar 14: 66-68; Luk 22: 55-57)

¹⁵ Simon Peto â motec âgo-ticne moc jahe Jesu barahapie zâhece rapic. Eme âgo-ticne e ine taha bapa sâkozi hone jujecte Jesu bâjâperâ ficmaŋko mâmâc razimbin. ¹⁶ Peto eki ine sacrâpeo domawec. Eme âgo-ticnezi taha bapa sâkore ficko jujujecte hurâ sacmotâc sonaŋ naru e âzâcnece Peto motâc rocnece sacmaŋko raziwec. ¹⁷ Eme motâc sonaŋ naru eki Peto honerâ zɲiɲuc âzâcnewec: "Ɖic kecocnirec motecfâc jaŋere guruonec go moc ine hâcne." Eme eki muwec, "No aricne." ¹⁸ Eme kinan motec â momori jaŋe mâmâtente zoc ruŋerâ ruahuc domahapie Peto e ɲonden-ɲenicko rarâ iɲuc jaha zoc ruawec.

Taha bapa sâkozi Jesu mu indin ecnewec

(Mat 26: 59-66; Mar 14: 55-64; Luk 22: 66-71)

¹⁹ Eme taha bapa sâkozi Jesu motec rocjopawec â miti muwec, irec mu indin ecnewec. ²⁰ Ecnece Jesuzi dâŋ kecziɲuc bâtikiecnecnewec: "No dâŋ hofao tâtâc muekopac, Judanɲic mitificko â taha ufuŋko tumagnehapie dâŋ jaza qazuc eekopac, sonson mi muekopac. ²¹ Irece wemocte no wio-narekic?"

18:1 Mat 26:36; Mar 14:32; Luk 22:39; Sam II, 15:23 18:2 Luk 21:37 18:4 Joh 19:28
 18:9 Joh 17:12 18:11 Mat 26:39 18:14 Joh 11:49, 50 18:15 Joh 20:3; 21:20; Apo 3:7
 18:20 Joh 7:14, 26; Mat 10:27

Dâŋ jazape manaengopien jage ejaretec muekopac sâc gazapie manac.”
²² Iguc mume kiŋaŋ motec doma rambiŋ jaŋeraonec moczi Jesu maucnao qahuc muwec, “Go taha bapa sâko dâŋ igucne wemocte âzâcnekomec?”
²³ Eme Jesuzi dâŋ ziŋuc muwec: “Dâŋ hehesic mukopacko fugne mutec manape, â tiŋne mukopacko wemocte nukomec?” ²⁴ Eme Hanasizi mume Jesu mene qarâ taha bapa sâko Kaifa erao barambiŋ.

Petorozi harierâ mic bawec

(Mat 26: 71-75; Mar 14: 69-72; Luk 22: 58-62)

²⁵ Eme Simoŋ Petoro e ine zoc ruahuc domahame wiocnerâ mumbiŋ, “Motecfâc-tiŋne jaŋere guruonec go moc ine hâcne mecne?” Eme mic barâ muwec, “No aricne.” ²⁶ Mume taha bapa sâkore kiŋaŋ motec moc, Petorozi hazecne qatarawec ere qomâ, eki ziŋuc muwec: “Â go jufuo ehec mâmâc jupie honecgupac.” ²⁷ Eme Petoro e mic bame izia qâqâczi dâŋewec.

Jesu kiarao barambiŋ

(Mat 27:2, 11-26; Mar 15: 1-15; Luk 23: 1-25)

²⁸ Hae fureme Jesu Kaifare fickonec bawaharâ kiarao barambiŋ. Judaŋic jage ine wâwânâŋ erâ aakic hombaŋko bâtâcko junzipiŋte kiare ficko mi fembiŋ. ²⁹ Ehuc hae zongao domapie Pilatozi zaeo waharâ wio-jarerâ muwec: “Ŋic keci wemo kiŋte bawarengopien?” ³⁰ Eme jaŋe mumbiŋ, “E sâqocne bapa mi juzac muzac gorao mi bawarenzapeŋ.” ³¹ Mupie Pilatozi ziŋuc jazawec: “Ŋaŋacne sâcmutâc dâŋ sâcko dâŋticne mutaracneniŋ me.” Eme Judaŋic jaŋe mumbiŋ, “Nâŋe ŋic hâmocko rââec-jopare aka henâre-kicne.” ³² Judaŋic jage iguc epie Jesu e jahac hâmoc-ticnere dâŋ muwec, hata i âke fuawec. ³³ Eme Pilatozi ficmaŋko ferâ Jesu hefârerâ muwec: “Go jâmbomac Judaŋic jaŋere ŋicwofuŋ me?” ³⁴ Eme Jesuzi muwec, “Dâŋ i gahacne maŋte mukic me gâcnezi micgao râepie mukic?” ³⁵ Mume Pilatozi muwec, “Wiac nọ Judaŋic me? Go gahacne ŋicfâc â taha bapa micne jage norao râecgungopien. Go wemo emen?” ³⁶ Eme Jesuzi ziŋuc muwec: “No mâreŋ ŋicwofuŋ aricne, mâreŋ ŋicwofuŋ juzapo muzac momorifâc-nane jaŋe zikazi ŋezicnuhapie Judaŋic jage wemocko rocnuŋzapiŋ. No ine mâreŋ ŋicwofuŋ aricne.” ³⁷ Eme Pilatozi muwec: “Eme go ŋicwofuŋ fuŋ-moc?” Mume Jesuzi muwec, “Ine hâcne mukomec, no ŋicwofuŋ fuŋmoc. No dâŋ fâri qizecne mutanigkepemurâ mâreŋko waharâ fuapo. Eme moc e dâŋ fâri qizecne jaunkeocmuzi dâŋnane âgo ecneocmu.” ³⁸ Eme Pilatozi ziŋuc muwec: “Dâŋ fâri qizecne i wemo wiac moc?” Iguc murâ zaeo mocwâc hurâ Judaŋic ziŋuc jazawec: “No ŋic kecziŋec kiŋ basakopac. ³⁹ Hata-ŋeŋic moc fokac. Ŋoge aakic hombaŋko mupie no kâpâcwâru ŋic moc akicke-ŋareekopac. Eme zi manapie sâckeme Judaŋic ŋicwofuŋ-ŋeŋic akickepe juŋarezejec.” ⁴⁰ Eme jaŋe harierâ owackehuc mumbiŋ: “Aricne, e mâcne, Baraba akicke-nârec.” Baraba e ine zikaŋic.

Kia e Jesu hāmoocte mutaracnewec

19 Eme Pilatozi mume momori jage Jesu becsahac birigneheczi qambij. ²Qarâ muc zârâneheczi hendij ba akic erâ qizecnao hecnepie huwec. ³Iguc erâ marfugnao birickerâ domahuc fânâjkecnehuc mumbij: "Ohec, Judajic jagera gicwofuj." Muhuc mainao qambij. ⁴Eme Pilatozi Judajic jagerao mocwâc hurâ muwec, "Honenij, no nongerao jowa wahakopac, no kigticne basakopacte garjac fugne-ticne honenij." ⁵Eme Jesu e muchendij â nagi bâbâronj, wiac igucnehec waha domame Pilatozi jowaturâ muwec: "Ŋic mac zi honenij." ⁶Eme taha bapa micne â gicfâc-jenij jage honerâ dâj qeqqegnehec ehuc mumbij: "Mariponko feoc, feoc." Mupie Pilatozi micjenicko rorâ muwec: "No kigticne basakopacte nonge garjac rorâ mariponko qanij." ⁷Eme Judajic jage zinguc mumbij: "E jahacnere no Anuture Ŋokâ muekac, eme gic igucne jage hâmonijte sâcmutâc dâjnâjec fokacte hâmozejec." ⁸Eme Pilato e dâj i manarâ mâretac hâwickewec. ⁹Eme Jesu mocwâc ficmaŋko jowa ferâ indijkerâ muwec: "Go wenirec fuamej?" Mume Jesuzi micnao mi rowec. ¹⁰Iguc eme Pilatozi zinguc âzâcnewec: "Go dâj mi nazakomec me? Noni mupe jucmu me mupe mariponko hâmocmu irec tâpiri râe-nare-kicne, i mi manakic me?" ¹¹Eme Jesuzi zinguc âzâcnewec: "Mâc muzac go nore dâj wemocko munzaj, nore dâj mumure faicnec tâpiri qikiŋne-gare-kicnere mukomec hâcne. Irec gorao râecnukac gic ere kizgi gore jâurukac." ¹²Dâj i manarâ Pilatozi Jesu akickezo mume Judajic jage owa ruruckerâ mumbij: "Go gic e akickerâ Sisare* âgo mocwâc mi jucmu. Moc e jahacnere gicwofuj muhuc Sisa âkehockeocmu." ¹³Pilatozi dâj i manarâ mume Jesu jowa wahapie dâj mumutara neje-ticnao waha newec. Neje i qânâ zaeo râekicne, eme zae irec zâje Judajic jage Gabata mujumbij. ¹⁴Eme Judajic jage hae fureme aakic hombarj nenijte teŋko razimbij. Ehame qâqâtac bemberkeha Pilato e neje-ticnao gehuc Judajic zinguc jazawec: "Honenij, gicwofuj-nenij zi." ¹⁵Mume jage owa ruruckerâ mumbij: "E arictac eoc, e arictac eoc, mariponko feoc." Eme Pilatozi muwec: "Hâc, eme gicwofuj-nenij mupe mariponko hâmoocce mungopien me?" Mume taha bapa micne jage dâj zinguc bâtikiecnembij: "Nâje gicwofuj-nâjhec moc aricne, Sisa mocjahazi junârekac." ¹⁶Eme Pilatozi mana urue-jarerâ Jesu mariponko hâmoocce qikiŋne-jarewec.

Jesu mariponko qapie hâmowec

(Mat 27: 32-50; Mar 15: 21-37; Luk 23: 26-46)

¹⁷Eme momori jage Jesu rorâ mariponj râcnepie hâpome mârej moc zâjene Utusiec, Judadânko Goligata, ira barambij. ¹⁸Bararâ mariponko qambij. Erâ sâqocne bapa jajahec mâmâc jofarâ moc gifec, moc gifec, â Jesu zâzâŋijko, iguc biric-jopambij. ¹⁹Eme Pilatozi mume Jesure qizec botânko mariponko qârej keczinguc râembij: "Jesu Nazarete haonec Judajic jagera gicwofuj." ²⁰Jesu qambij mârej i hae bemberko fowecte Judajic bocjahazi ira rac warec ehuc qârej i wosembij. Eme qârej i Judadânko â Romadânko â Grikdânko râekicne. ²¹Eme Judajic jagera taha

bapa micne jaje Pilato zinguc âzâcnembiŋ: "Go Judanjic jajere ɲicwofuŋ iŋuc mi qâreŋkec. E jahacne muwec, no Judanjic jajere ɲicwofuŋ, iŋuc qâreŋkec." ²² Eme Pilatozi muwec: "Qâreŋkepac izia fooc."

²³ Eme momori jaje Jesu mariponko qarâ ɲaqi-ticne faine bâtâcnepie jahec â jahec eme ru sâc embiŋ. Â ɲaqi-ticne maŋne hâfâ iŋucne oorâŋ fukicnere ²⁴ zinguc mumbiŋ: "I bâtâcnepene sâqoreocmu, irec qâsâi qapene rune âke fuaoc." Iŋuc epie miti papiao dâŋ moc kecziŋuc qâreŋkekicne i sananƣewec:

"Jaje ɲaqi-nane faine bâtâc bambiŋ,
â maŋnere ine qâsâi qambiŋ."

²⁵ Momori jaje iŋuc hâcne embiŋ. Jesure maripon fuŋko ine zinguc domambiŋ: Nenggoc-ticne â nenggoc-ticnere qo, erâ Maria Kelopa ere ɲonâŋ, â Maria Madala haeonec. ²⁶ Eme Jesu e nenggoc-ticne â motec bufuŋ-ticne domapire honec-jofarâ nenggoc-ticne zinguc âzâcnewec: "Ŋokac, motecge keci hâcne." ²⁷ Iŋuc murâ motec-ticne zinguc âzâcnewec: "Nenggocge keci hâcne." Eme dameŋ ira Jesure nenggoc jowame motec jahacne ficko ferâ ɲec juc ewec.

²⁸ Eme Jesu e gie-ticne taramenarâ, miti papiao findanɲdâŋ moc fokac i denkeocte, zinguc muwec: "No opâre enarekac." ²⁹ Eme râqâc moc maŋnao waŋ opâ zazacne ɲewec, ira hâwec sâmbiŋ âke uruckerâ qeŋqenjo âke kindenŋerâ micnao iticnepie nâwec. ³⁰ Waŋ opâ nârâ wirahuc muwec: "Batarakopac." Iŋuc mume qizecne forârieme mâro-ticne wefuwec.

³¹ Eme Judanjic jaje teuŋko razimbiŋte zinguc mumbiŋ: "Tomâcko sabata hombaŋ sâkoo ɲic jopakicne jajere qâŋqâŋ mariponko mi domazejec." Iŋuc murâ Pilato âzâcnepie momori jaje ɲic siec-jeŋic qazurâ qâŋqâŋ-jeŋic bataraniŋte Judanjic mana-jarewec. ³² Eme momori jaje sâqocne bapa Jesuhec jofakicne mocte siec qazurâ ra mocte siec qazumbiŋ. ³³ Iŋuc erâ Jesurao fisirâ honembiŋ: E biac hâmowec. Honerâ siecne mi qaqaŋu ³⁴ momori moczi tambaragne sânduzi âke mârâŋkeme soc â opâ wahawec. ³⁵ Wiac i zâŋe fâri-ticnezi honewec eki mutaniŋkeme jâmbomac ekac. E manakac, dâŋ i fârine. Irece ɲoŋe mana zakienzeŋieŋ. ³⁶ Miti papiao findanɲdâŋ moc kecziŋuc fokac i sananƣeocte wiac i fuawec: "Ŋoŋe siecne mi qazunzeŋieŋ." ³⁷ Erâ wâc miti papiao dâŋ moc kecziŋuc fokac: "Jaje âke mârâŋkembiŋ erao zâŋe finzeŋieŋ."

Jesu duckembiŋ

(Mat 27: 57-61; Mar 15: 42-47; Luk 23: 50-55)

³⁸ Josefe Arimataia haeonec e Jesure motec juwec, erâ Judanjic jajere hâwickeme fufua mi juwec, sonson juwec. Eki hâcne Pilatorao rarâ Jesu qâŋqâŋ-ticne bataraocte mufuacnewec. Eme Pilatozi manacneme ra batarawec. ³⁹ Ehamen Nikodemo, ɲafeo Jesu iqickewec, eki wokemaŋ âsu biŋ â kâŋâ bocjaha amecke rarâ Josefe bafickeme ⁴⁰ Jesure qâŋqâŋ ruacnerâ qoruc qanqanzi râpâckepic. Judanjic jaje qâŋqâŋfâc-jeŋic iŋuc hâcne ejare jumbieŋ. ⁴¹ Eme Jesu qambiŋ mâreŋ irec ɲifecnao jufu gie moc fowec, ira hawec moc zâŋerunte biŋe gufukicne fowec. Ira ɲic moc mi

19:24 Mi Mâ 22:18 19:26 Joh 13:23 19:28 Joh 13:3; 18:4; Mi Mâ 22:15 19:29 Mi Mâ 69:21
19:31 Sâc 21:23 19:36 Wah 12:46; Ƴar 9:12; Mi Mâ 34:20 19:37 Ƴak 12:10; Bar 1:7 19:39 Joh 3:2
Mat 2:11

ducjopakicne, furu fowec. ⁴²Eme Judañic homban̄te teun̄ko razimb̄nge bemb̄n̄ko ira h̄acne Jesure q̄an̄q̄an̄ r̄æpic.

Jesu q̄ar̄er̄a faharewec

(Mat 28: 1-10; Mar 16: 1-8; Luk 24: 1-12)

20 Eme Sonda hae mi fure taniñkeha Maria Madala haeoneczi z̄aṅerun̄ko rawec. Ra fisir̄a honewec: Q̄an̄a e z̄aṅerun̄konec b̄ar̄ariekieicne. ²Iṅuc honer̄a gasacke rar̄a Simon̄ Petoro ā Jesu motec bufun̄-ticne jasar̄a muwec: "Wofun̄ q̄an̄q̄an̄-ticne bawisemb̄ieṅ, eme wena r̄æmb̄ieṅ i n̄aṅe k̄auc bangopen̄eṅ." ³Iṅuc mume Petoro ā motec āgo-ticne jahe z̄aṅerun̄ko rapic. ⁴Hatao gasasac jaha rahuc āgonezi Petoro āte tariñker̄a biac ra fisiwec. ⁵Ra fisir̄a hawecmañko mi razihuc m̄ac okarier̄a fime razime qoruc r̄ap̄a sawa fome honewec. ⁶Ehame Petoro e z̄āhec fisir̄a mañnao razir̄a qoruc r̄ap̄a honewec. ⁷ā qizec-ticnere foṅ moc buc bazukicne fome honewec. ⁸Iṅuc eme motec āgo-ticne b̄ab̄ani z̄aṅerun̄ko fisiwec eki razir̄a iṅuc jaha hone-f̄arer̄a manapañkewec. ⁹Juwicnao ine jahe Jesuzi h̄amoc-konec q̄ar̄er̄a fahareocte miti papiao findan̄d̄an̄ fowec i mi mana tarapic. ¹⁰Eme jahe haeo mocw̄ac risie rapic.

Jesu e Maria Madala haeonec fuacnewec

(Mar 16: 9-11)

¹¹Eme Maria eki z̄aṅerun̄ sahañnao domahuc kiowec; kiohuc ra mot̄acko okarier̄a z̄aṅerun̄ko fime razime ¹²an̄elo jajahec ṅaqi qan̄qan̄hec Jesure q̄an̄q̄an̄ fofotacnao ṅepire honec-jofawec, moc e qizecne fowecko ā moc e kikene fowecko ṅewec. ¹³Eme jahe mupic: "Ṭokac, go wemocte kiokomec?" Eme eki muwec: "Wofun̄-nanere q̄an̄q̄an̄ mocko bawisepie basakopac." ¹⁴Iṅuc mur̄a forisier̄a Jesu jahacne honewec. Honer̄a Jesu hawarine mi hone tarawec. ¹⁵Eme Jesuzi wiocner̄a muwec: "Ṭokac, go wemocte kiokomec? Mo basakic?" Eme eki jufu runezi domakac muhuc z̄iṅuc āz̄acnewec: "Ṭicbomboṅ-nane, goki q̄an̄q̄an̄ mocko bara r̄æmecko mutec manar̄a ra rozepac." ¹⁶Eme Jesuzi muwec, "Maria." Mume e forisier̄a Judad̄an̄ko "Rabuni" muwec, n̄an̄acne d̄an̄ko qaqazu. ¹⁷Eme Jesuzi z̄iṅuc āz̄acnewec: "B̄aua basanaṅ mi enarec. No Mamactao migeçnea fepemu i! Go rar̄a qom̄af̄ac-nane z̄iṅuc jazac: Nore Mamaczi ṅoṅere Mamac, ā nore Anutuzi ṅoṅere Anutu, eme erao h̄acne fepemu." ¹⁸Eme Maria Madala haeoneczi risie rar̄a motecf̄acne z̄iṅuc jazawec: "No Wofun̄ honepe d̄an̄ iṅuc nazajec."

Motec jaṅe ficmañko tumañnehapie fua-jarewec

(Mar 16: 14-18; Luk 24: 36-49)

¹⁹Eme Sonda hae ṅafeme motec jaṅe Judañic jaṅere h̄awic-jopame tumañner̄a ficmot̄ac ki baf̄arer̄a ṅembiṅ. Ṭehapie Jesu e ṅondeṅ-ṅeñicko fuar̄a domahuc jazawec: "Wama ṅoṅerao fozejec." ²⁰Iṅuc mur̄a mejaheçne ā tambaraṅne jowatuwec. Eme motec jaṅe Wofun̄ honer̄a bujeṅic biāṅkewec. ²¹Eme harier̄a jazawec: "Wama ṅoṅerao fozejec. Mamaczi no sorec-

nuwec iguc jaha noni ñe sored-ñopakopac.” ²² Iguc murâ ficnec-joparâ muwec: “Tiri Mâr ro mañ eniñ, ²³ ñe ñic sâqocne-ñenic mutâmirepie tâmire-jareocmu, mi mutâmirepie fojareocmu.”

Tomare binan

²⁴ Motec âgo-ñenic moc zâñene Toma, zâñene moc Didimo, eki mocko juhame Jesuzi fua-jarewec. ²⁵ Eme motec âgofâcne jañe bigedân zinguc âzâcnembiñ: “Nâñe Wofuñ honembeneñ.” Iguc mupie muwec: “No nahac zâñe jâmbân-nanezi menao birin râfu honerâ menanezi râfu bahonerâ tambarañne bâuarâ dâññenic manape fârine eocmu.” ²⁶ Sonda mocwâc fuame motec jañe Tomahec mâmâc ficko qâzuckerâ motâc ki bafârerâ ñembiñ. Ñehapie Jesu e ñonden-ñenicko mocwâc fuarâ domahuc jazawec: “Wama ñoñerâo fozejec.” ²⁷ Iguc murâ Toma âzâcnewec: “Go memotecgezi menane bahonec â mege sicnerâ tambarañ-naneo râec, erâ mañjahec mocwâc mi ehuc manasignuzemec.” ²⁸ Eme Tomazi muwec: “Go Wofuñ-nane â Anutu-nane.” ²⁹ Mume Jesuzi zinguc âzâcnewec: “Go honecnukomecete manasignukomec, mi honecnuhuc manasignuenggopien jañere manape zerine ekac.”

³⁰ Mâsi gâcne bocjaha Jesuzi motecfâcne jañere zâñe faio bawec, i papia zira mi qârenke-fârekicne. ³¹ Qârenkekicne mac keczi ine zingucte qârenkekicne: Ñe wose manac erâ Jesu e Kristo, Anuture Ñokâ, dâñ i mana zakienzeñen; erâ e jahacne manasingkehuc zâñe biñe-ticnere erâ juju sananhec enzeñen.

Motec gâcne riqicko juhapie Jesuzi fua-jarewec

21 Juku motec jañe Tiberia riqicko juhapie fua-jarewec. Keczinguc ehapie fua-jarewec: ² Jumbin ine Simon Peto, Toma, zâñene moc Didimo, Natanâ e Galilaia mârenko Kana hae ñewec irecnec, erâ Zebedeio ñokâ jahec-ticne â motecfâcne jañeraonec jajahec mocwâc, ñic iguczi jumbin. ³ Ehuc Simon Petozi zinguc jazawec: “No qowi rozo rakopac.” Mume mumbin, “Nâñe gohec mâmâc ranan.” Iguc murâ wokeo ferâ rambin. Ra juhuc gafe ira qowi mi rombin. ⁴ Eme riqicko juhapie hae fufurecte Jesuzi monggenko domawec. Domame Jesu hawarine mi hone tarambin. ⁵ Eme Jesuzi wio-jarerâ muwec, “Motec, qowi-ñenic moc fokac me?” Eme jañe mumbin: “Aricne.” ⁶ Mupie zinguc jazawec: “Woke fâreopec wasañ behapie qowi jowaocmu.” Mume wasañ behapie qowi mâretéc jâmbân jowa susuckeme fâre-biapiembiñ. ⁷ Eme Jesu motec bufuñ-ticnezi Peto zinguc âzâcnewec: “I Wofuñ ine hâcne.” Mume Wofuñ zâñe manarâ Simon Peto e kaman sawa qajuwecte ñaqi-ticne faine heme hume riqicko rucnewec. ⁸ Jañe monggen heririn (100 meta irec sâc) jumbinte motec gâcne jañe woke foickehuc wasañ qowihec fâre fâre rambin. ⁹ Eme monggenko ferâ tinjo wiac zinguc honembiñ: Zoc uucko opâ qowi â nânâ zegoc zahuc fowec. ¹⁰ Ra fisipie Jesuzi zinguc jazawec: “Qowi rombin i tucne bareñen.” ¹¹ Mume Simon Petozi wokeo ferâ wasañ tinjo fâreme fewec. Magnao

qowi kâcqene 153 fowec, eme sifu mi tâcnewec. ¹²Eme Jesuzi zîguc jazawec: "Ware furic nânâ nânîg." Mume motec jaŋe wemocko zîguc wionzapiŋ: "Go mo?" Jaŋe Wofuŋ ine hâcne i mana-fârembiŋ. ¹³Eme Jesuzi warerâ nânâ qowi bâtâc bahuc jarewec. ¹⁴I Jesu e hâmockonec faharerâ motecfâcne fua-jareme jahec â moc ewec.

Jesuzi Petoro jahec â moc wiocnewec

¹⁵Furic nânâ nâpie Jesuzi Simoŋ Petoro zîguc muhuc wiocnewec: "Simoŋ Johanere ŋokâ, âgofâcge jaŋe no maŋzi zâficnuengopien, go jowarurâ sâc moc zâficnuekic me?" Eme Petorozi muwec, "Wofuŋ, no gore enarekac i manakomec." Eme Jesuzi muwec: "Go lamafâc-mae soŋaŋ-jopazemec. ¹⁶Iguc murâ mocwâc wiocnewec: "Simoŋ Johanere ŋokâ, go jâmbomac zâficnuekic?" Eme Petorozi muwec: "Wofuŋ, no gore enarekac i manakomec." Mume Jesuzi muwec: "Go lamafâc-nane soŋaŋ-jopazemec. ¹⁷Iguc murâ harierâ wiocnewec: "Simoŋ Johanere ŋokâ, go jâmbomac nore egarekac me?" Zâzâfictic wiocneme jahec â moc eme Petoro e bune sâqoreme muwec: "Wofuŋ, go wiac sasawa mana-fâreekic, no gore enarekac i wâc manakomec." Mume Jesuzi muwec: "Go lamafâc-nane soŋaŋ-jopazemec. ¹⁸Jâmbomac jâmbân gazape: Go ŋicmotec juhuc becsahacge jomarâ hata ira me ira razo egareme rajumec. Izi juku ŋicqizec erâ mege bâfeŋnetec ŋic moczi becsahac joma-garerâ mi razo mucmu ira bacgu raocmu." ¹⁹Jesu e iguc muhuc Petoro hâmoc-ticnere dâŋ sunsuŋne âzâcnewec. Hâmoc-ticne fuŋmoczi Anutu mutenŋeocte manasuhuc muwec hâcne. Dâŋ iguc murâ zîguc âzâcnewec: "Ware bâjâpecnuc."

²⁰Eme Petoro e fotikierâ Jesu motec bufuŋ-ticnezi râpefuŋnao râme honewec. Motec e aakic lama nâmbiŋko qizec-ticne Jesure amecko fohorerâ wiocnerâ muwec: "Wofuŋ, mozi doc bacguocmu?" ²¹Eme motec hâcne zâhec rame Petorozi honerâ Jesu wiocnerâ muwec: "Wofuŋ, motec keczi i ine weniguc eocmu?" ²²Wiocneme Jesuzi zîguc âzâcnewec: "E juhame no risiepemurâ manacnepe fokacko ere dâŋ wemocte mukomec? Go mâc bâjâpecnuc." ²³Eme miti mamana gâcne jaŋe zâhec Johanere zîguc musifuckembiŋ: "Motec e mi hâmoocmu." Jesu e ine ere zîguc mi muwec: "E mi hâmoocmu." Dâŋ zîguc sawa âzâcnewec: "E juhame no risiepemurâ manacnepe fokacko ere dâŋ wemocte mukomec."

²⁴Motec eki hâcne wiac zi hone mana tarac eku mutanigkehuc papia zi qâreŋkewec. Eme nâŋe ere manaenggopeneg, dânticne fârine jâmbân. ²⁵Eme Jesuzi wiac gâcne gâcne ewec bawec, i wemocko papiao qâreŋke-fârezo. I papiao fofâreme muzac, no manape ŋiczi wowose tarane mi ezac.